

外交部奉天交涉署交涉節要

官
64841
82



交涉節要目錄

興城縣呈日人櫻井狀訴吳玉書騙款案

梁士輿呈日本製糖公司強令菜戶賠償損失案

孟廣生欠日商瀋陽信託公司債款案

興京縣拘禁韓人崔德三案

美利利欠怡隆洋行貨款案

韓何氏呈南滿製糖會社逼斃人命案

日人久野寧保管德人威德賀財產案

桂香岩押借日商寶榮公司債款案

陳家荒居住朝鮮人被警驅逐案

目錄

王冠甲盜押房屋案

日人森山守次等在滿蒙各處開設城業公司熬硝外運案

李殿富呈日警誣竊道鐵案

于允吉地畝被人盜押日商寶榮公司案

韓人崔士霖買地糾葛案

南滿會社在奉撫間架設送電力線柱案

稅捐局扣留英美公司紙煙案

佟焦氏呈日人曉木平田等強逼償債案

稅捐局扣留實業公司貨物案

稅捐局扣留三浦洋行皮貨案

英商利記洋行運貨被稅局扣留案

關慶春等呈日人誣竊道鐵拘押鄉民案

查禁奉天車站內中日人等售賣鴉片嗎啡案

商號福隆廣等控朝鮮人鄭鉉圭等拖欠糧價案

德興和等商號控日商東瀛銀號不付匯款案

中交兩行蓋有吉黑字樣之紙幣兌換案

武廼文詐財案

警察侵入日商舖搜緝逃犯交涉案

南滿公所擬繪安奉鐵路線路圖案

韓人金昌鎬批買匯泉店糧石案

日商松井辰三郎購買杜元明等木料糾葛案

日人吉川組堆石佔用裕德地畝案

日人岡崎潔丸在太平寺門前埋樁佔地案

日本守備隊在公主嶺設立無線電台案

那滋濱欠日商西村多二郎款項案

鄭會廷欠日商福星當款項案

陳煥章借款案

韓人千官旭殺害趙德弘案

佟柏林控日人橫川佔地案

謨家堡村民修理堤壩案

戴榮久控俄人客許借款不償案

韓人金成贊被李炳奎等加害案

安福臣等栽種甜菜南滿製糖會社不認賠償案

成泰洋行運生菜油專照稅局不與蓋戳案

嚴禁人民以王公莊地押借外債案

日人在十里碼頭商埠界內埋立標樁案

日警拘捕八里舖村民案

高振廷控日人進滕藉端霸產毆打民婦案

南滿會社擬在奉天各站增購用地案

韓人經營公太堡稻田需水日人要求修水溝案

中日軍隊在長春衝突案

日人三神道五郎毆辱華婦王汪氏案

日人小原等滋擾鄉民案

王繼卿礦區與日本煙台礦區糾葛案

日商寶榮公司與連辛泉債務訴訟案

隋忠義控日人何野堅抗炭價案

南滿鐵道會社徵收華商車捐案

日商三和號假造圖章案

日人加茂川木山郎被搶案

日人人見義平太商租吳博臣土地案

子

日商西宮房次郎借給德茂公府及惠郡王府款項案

沒收日人白田莠私運紙牌案

撫順日本炭坑強佔姚紹文地畝案

孫敬賢盜賣國土案

成祥店控韓人權重洛不付糧價案

查獲義人販賣煙土案

日人勝弘貞次郎與趙孫氏債務涉訟案

日商毛織會社運入毛織機器日領要求免稅案

滿鐵會社擬測繪昌圖滿井間線路地圖案

日人在錦縣設立郵務分室案

雞冠山鐵道保線系日人擅伐樹木私展界址案

日人在北大營附近挖掘石子案

劉寶玉控日人小林靖樹詭詐豆餅案

日人井上嘉吉請求兌換北鎮縣零集銀行鈔票案

朝鮮人申弼均不付成祥店米價案

日人影本霸租薛瀛洲房屋案

日人在安東六道溝設立兵工廠案

佟泰昌等呈南滿會社佔用地畝案

會文堂書局呈日本郵局郵失金票案

金玉豐等借欠日人村田保之債款案

日人三田村文屋霸佔屈振之市房案

籌擬租界內華人實行貼用印花辦法案

東來商會不付魏鳳岐糧價案

鄭鳳亭控日商毛織會社不付工價案

王珍盜押地畝案

水交辭奉王水交海善水洪管單

外交部奉天交涉署交涉節要

興城縣呈日人櫻井狀訴吳玉書騙款案八年一月起至十月止

案據興城縣知事呈稱據日人櫻井小七等狀稱有吳玉書者於本年九月間以佃戶花名帳及課賦地領作抵押品前後借得公司奉票洋一千一百八十七元有餘當即立有借據以一月爲限屆期不但分文未給且逃逸沙後所避債等情當經傳案訊明確情依法判決並呈送判決書前來正核辦間復迭准日領函催迅速令行該縣解決本案債權者並希望逕赴該縣磋商解決辦法請發給該債權者介紹信各等因當經先後訓令該縣嚴飭債務人吳玉書及關係人吳鳳山等逐款清償了結一面照復日領轉知該日商赴縣磋商並繕就介紹函一件去後旋又准日領函稱該縣知事謂因債務者赤貧如洗無處分該土地之權能且

以所交地領上已註有抵押無效字樣爲理由故於解決上不能有何種切實辦法等情仍請令行該縣使其償清債務不然令債權者得以耕作等因並附該知事致日商公函抄件到署查債務人吳玉書如果無力履行債務應由該知事責成保人吳鳳山尅日償還以清糾葛當即令據興城縣復稱此案業將債務人吳玉書保人吳鳳山等收押追還欠款並迭經提訊嚴追繳欸在案嗣查保人吳鳳山有房屋兩間半已飭警查封變賣備抵債務人吳玉書身充庄頭各佃戶欠交租項五年之久倘能追齊尙可抵補等情即經批令興城縣佃戶欠繳租項究竟共有若干能否足敷債欸查明具報尙未呈復

梁士興呈日本製糖公司強今菜戶賠償損失案

八年一月起至九月止

據瀋陽縣西路德勝營子等十一屯農戶代表梁士興等呈稱日本南滿洲製糖

株式會社派委員櫻井勸誘各屯種植甜菜並驗準畝數按畝借款有王英多爲甜菜委員舉陳璽廷姜瀛洲劉慶玉等爲協助員與民等立定契約章程言明每十畝可保甜菜五六萬斤凡因天旱水澇蟲災缺苗不足三萬五千斤之數時按廣告每十畝賠償四十八元且補發耕作費得彩時且有若干之獎金等語不意夏季多雨盡被水澇即好地所出斤數亦不過二萬斤自應由該公司賠償損失詎該公司不惟不認賠償不給應得獎金反逼令清還貸款及種籽肥料等費其餘損失不堪枚舉請嚴向日領交涉賠償損失等情正核辦間又據張士屯代表葉化南呈稱查南滿洲製糖株式會社當農戶爭論之時該公司雖未認定照數賠償已曾甘許賑濟每十畝小洋二十元以補種菜之損失現經王寶亭向公司極力挽說表決無甜菜者每十畝補助小洋二十五元有甜菜者即照四十八元

之數張士屯等九村各戶損失無多事屬合體均願和息請免予交涉等情當經傳案訊明准予核銷在案旋准日領來文聲稱葉化南及董國信對於該會社之栽培甜菜事業不惟加以妨害又復強求不正欸項應加以取締等因即經照復日領並令瀋陽縣傳案訊辦旋據呈復葉化南董國信等到案訊據供稱今年之停種甜菜係因上年有應領之賠欸迄未照發是以相率停種並無強求不正欸項情事等語至詢今年應領之墊欸據稱均已照領並已化用當經諭以墊欸既經化用即應照約承種葉化南等隨即承認回屯勸導各戶照約承種至賠償一節仍呈請轉向該會社要求請核辦示遵等情並呈送抄呈前來查閱此次所送該民原呈跡近挾嫌本難准理惟究係若何實情並該民等上年各種甜菜若干畝按照糖廠章程每畝應得補助費若干現在已得若干當令瀋陽縣轉飭開具

清單呈復再行核辦並迭據葉化南等在署呈請交涉均經批令瀋陽縣迅予查照前令辦理矣

孟廣生欠日商瀋陽信託公司債款案 八年一月起至二月止

案准駐奉日總領事赤塚正助函稱當地株式會社瀋陽信託公司董事山下永幸對於居住錦縣城內管莊衙門胡同孟廣生所有錦縣城東頭溝一帶之地訂立商租契約於大正五年十二月八日付定洋日金四千元及大正六年一月八日付小洋一百元未幾擬與同往勘驗該地孟竟潛伏在當地小西門內同德潤處嗣經查知帶往該公司並迫還前款又恐再行逃走隨交貴國警察廳看管因孟有他罪現在檢察廳拘禁對於孟廣生之債務關係請迅予辦理解決等因查原函內稱被告孟廣生已由檢察廳拘留該被告人所欠日商瀋陽信託公司債

款應即由廳依法訊追當經函准瀋陽地方檢察廳復稱查孟廣生刑事部分業經完畢暫行在監羈押來函所云償還商租之事係屬民事範圍本廳未便侵越而該犯孟廣生又未便久羈應由該日人山下永幸速赴民庭自行起訴等語函請轉達前來當於本年二月十三日函復日領轉飭該日人遵照矣

興京縣拘禁韓人崔德三案

八年二月起至五月止

准駐奉日總領事赤塚正助函稱朝鮮人崔德三宋時鑛二名在奉天省興京縣旺城門分影勾地方因竊盜嫌疑被興京縣逮捕受刑事之宣告現尙在該縣監獄拘禁服役請查明如何結果見復等因當經令行該縣將此案經過及辦理情形詳查具復旋據分條呈復(一)犯罪事實查韓人崔德山即崔德三宋希賢即宋時鑛糾邀在逃之中國人王姓共三人分持槍刀行劫縣屬北旺清韓僑李鳳

蓮家財物携贓逃至新賓堡街被事主李鳳蓮之母撞遇該韓人手持銅罐白夏布衫認係被劫原贓即將該韓人宋希賢扭送該管警區訊據供稱同崔德山等強搶事主李鳳蓮家財物俵分並由伊腰中搜出當票四張經警偕同事主往驗確係被搶之物一面由警訪獲崔得山連同贓物等件一併解送到縣迭經提訊該犯等各供認前情不諱(一)辦理情形此案被告宋希賢崔德山均係韓人屢經訊明供認強搶得贓不諱惟宋希賢始供在撫順縣入中國籍崔得山供在吉林領事館入中國籍後又供在輝南縣居住數年長兄崔增祿曾入中國籍有照可驗伊未入籍等語當經分咨各縣查明核辦嗣准各縣先後咨復韓人宋希賢崔得山二名並未入籍亦未領有證書以上各節請鑒核示遵等情當經轉准日領復稱查此案崔德三及宋時鑣現有朝鮮籍並無歸化貴國之事實本館調查

後有相當處罰之必要請將該韓人等及關於該犯等之犯罪一切卷宗一併引渡本館等因到署查該犯崔得山宋希賢二名既已分別查明並無入籍證據又係韓人我國尙未收回治外法權自應歸日本官署審判當經令行興京縣遞派安警將人犯卷宗一併解交撫順日警查收轉送並照復日領查照飭遵去後嗣又據興京縣呈報查韓犯宋希賢崔得山二名奉令解送撫順日警轉送日總領事審辦未及起解間即據管獄員報稱宋希賢一名於五月四日偶染抽風病症醫治無效於五日下午因病身死等情隨時帶同書吏親詣當場驗明該犯委係因病身死屬實並無誤用方藥情弊依式填列死亡證書並抄錄原案檢同原贓將韓犯崔得山一名一併點交法警解送撫順日警署查收等情並呈送驗斷書死亡證書各一件前來當即轉達日領查照飭知矣

美利利欠怡隆洋行貨款案

八年二月起至五月止

案准英總領事額必廉函稱華商美利利欠英商怡隆洋行貨款小洋一百三十八元九角又金票六十四元該號現已歇業執事人李選如潛逃各債主在瀋陽地方審判廳呈控判將該號貨物傢俱拍賣抵債請轉行該廳務將該號所欠怡隆洋行之貨款由拍賣貨物項下如數扣留以免英商受虧等因當經函准瀋陽地方審判廳復稱英商債務應按法起訴俟判決後方能執行請在拍賣貨物項下扣留一節碍難照准等語經即函復英領查照轉知該行在案乃英領主張英商數十年來向章遇有控告華人之事不必赴中國官署先到本領事署報告由領事官代爲聲明即准參加此案既有本總領事之公函又何須英商赴廳起訴而審判廳則以辦理華洋案件向例均須於起訴判決確定後方交執行處照判

執行英領公函不能代本廳之判決法律規定明確礙難牽就祈轉達英領仍飭該英商或其代理人到廳依法起訴各等因查此案前准英領來函曾擬按照華洋訴訟辦法發交瀋陽縣傳追嗣經查知該號主業已潛逃店中貨物已爲華商各債主控經地方廳查封若令縣分劈貨物未勉有碍法權故函請該廳將英商之款併案傳追乃該廳認定不告不理之主旨不允照辦而英領方面亦復按照凡遇中英控案即由中國地方官與領事官會同審判公平訊斷之約章不令英商赴廳投訴彼此主張雖各具有理由然徒事紛辯沉延時日於本案事實上毫無裨益當經呈奉

省長令行地方審判廳按照華洋訴訟辦法併案傳追矣

韓何氏呈南滿製糖會社逼斃人命案

八年二月起至九月止

據濬陽縣屬高明台民婦韓何氏呈稱上年春間氏夫韓相惠受人勸誘承種糖廠甜菜嗣於是年舊歷五月十三日有李官堡駐在所日人青山等來屯調查甜菜聲稱氏夫種菜畝數不足逼迫添補氏夫指將園地毀補伊猶以爲不足突來撲打並稱若不添足畝數定即帶至公司灌以洋油等語氏夫素甚懦弱被毆之後仆倒於地不省人事氏求鄰人攙扶入室醫治無效遂於是日午後七鐘身死請鑒核交涉追索賠償等情據此當以案關外人毆打華民致死亟應提出交涉以伸冤抑惟此案係發生於上年五月間該氏延至今年二月始行來署呈訴其間顯有別情且交涉案件首重證據韓相惠被毆身死必有傷痕彼時曾否報官檢驗有無確實證據當經批示明白聲復旋據呈稱日人青山當時手持馬鞭毆打氏夫肩背未致成傷委係逼迫致死並未報官檢驗氏夫物故之後李官堡駐

在所日人向氏聲稱公司有命姑待秋後多給養金迨至秋成未蒙發給方知受欺仍請交涉並據該氏一再請求追索養贍各等情前來復查該氏前後各呈初稱韓相惠係被日人青山撲毆致死繼稱韓相惠並未受傷委係逼迫身死情詞爛熳前後不符證據既屬毫無交涉何所依據且綜觀各呈不日請求賠償即日追索養金窺其用意似欲糖廠優給養贍韓相惠生前曾爲糖廠耕種甜菜今既死亡該糖廠似應優予恤金用示體恤當由本署派員本此意旨要求該糖廠酌量撫恤而該廠初稱種戶過多未予承允又經一再要求始允發給金票二百元作爲撫恤之資當傳韓何氏來署諭知該氏聲稱數目過少懇求轉達糖廠從優增加等情並奉

省長指令迅予辦理俾省訟累等因復經派員與糖廠再四商酌始允給於金票

四百元作爲撫恤由署傳知韓何氏具保領訖並呈覆

省署備案案遂了結

日人久野寧保管德人威德賀財產案

八年二月起至七月止

據居住奉垣日人醫學博士久野寧函稱德國人威德賀原有房屋一所於二年
前渠歸國之際將伊所有房地並傢俱一切悉行委託鄙人管理立有委任證書
現聞德僑財產歸中國接收擬將威氏委託管理之物件全部仍准鄙人代爲保
管並充鄙人自己住宅抄錄委任證書請核辦等因當以敵僑財產事宜應歸省
會警察廳辦理即經譯錄委任證書函請警察廳核辦在案嗣奉

省長訓令准外交部電稱查德奧領事公私財產照章一律由官廳接管各省均
照此辦理前駐奉德領威德賀所託日人代管之物產應令其交由地方官保存

等因並准警察廳函同前因當即函請日領轉告久野寧將其房屋全部酌定點交日期以便派員前往接收嗣准日領覆稱該博士與威德賀二人之委託管理關係並非對敵通商再按管理敵國人財產條例施行細則第三條內所載因管理之便利得委託他人保管等語則該房屋似有適用該規定之餘地云云查管理敵僑財產施行細則雖有委託保管之明文惟如何委託當視中國官府之意思而定日領解釋殊覺牽強惟該日人受威德賀委任既在二年以前一旦迫令移交事實上恐有窒碍現擬變通辦理此項房屋仍責令久野點交警廳接收再由警廳委任久野暫行代管並聲明經此次委任之後久野對於警廳負責將來如何處分當由警廳自由執行該日人不得再援威德賀之委託爲口實滋生異議如此辦理庶與部電意旨相符且於事實上亦可減少困難當經呈奉

省長核准照辦並函知日領轉飭久野氏遵照辦理旋准日領復稱茲據久野呈送財產目錄單到館即由本館加以證明請迅予委任令其管理該項財產等因當即轉達警廳派員會同本署委員前往接收旋准復稱接管威氏財產一案係遵照部示辦理一經接收即負保護責任日人久野寧無論其身分如何既受本廳委任自應取有確實之保證方爲正辦此次日領對於久野氏所呈財產目錄單加以證明不能認爲人事之保證請轉達日領轉飭久野另行取具相當保證或由日領爲之擔保以便委任等因正轉達間又准日領館員面稱威氏財產歸久野代管雖係確定然在未接委任證書以前不能覓取人事保證祇能證明其如何身分茲由南滿醫學出具證明書轉送到署經即函送警廳核辦而警廳又稱日人久野寧身分早經知悉是以前函聲明無論其身分如何自應先取確實

保證方能委任日領館員所稱未接委任以前不能覓取人事保證等語不特對於本廳前函意旨未能諒解按之中日習慣亦屬無此辦法仍未便輕率從事等語復請轉達前來查久野寧代管德人各種物品亟應查點清楚以免延誤現擬於本月十四日前往檢點復經函請警廳派員攜帶久野前呈物品清單會同本署員前往查驗先行交其代管至人事保證已據久野覓有相當證人查點物品時當可呈交旋准復稱久野寧覓得保證人山田基所出證書一紙查山田基雖係南滿醫學堂長但以其個人資格爲久野寧之保證殊欠允當且查保證書內並未註明擔負遺失損壞責任亦屬缺點請轉飭久野另覓毀實商保或請求日領爲之保證並須於證書內將以上各節詳細註明以昭慎重等因查該保證書係以南滿醫學堂堂長名義作保且其書中雖未叙明遺失損壞擔負責任字樣

日後如有此項情事發生儘可追其責令賠償詢之日領事亦稱加印書名於清單之上業已爲之保證所請另繕證書一層碍難同意等語本署對於此案亦認赤塚總領事前在單內證明爲有效將來如有錯誤即可據此提出交涉與警廳原函所稱日領爲之保證之意亦屬相符南滿醫學堂長保證書不妨暫行存案已經函復警廳照辦矣

桂香岩押借日商寶榮公司債款案

八年二月起至四月止

案據日商寶榮公司代理人貞島太郎訴稱中國人桂香岩於民國六年十一月六日以其胞弟喜昌名義之民國新契紙內載地四十二畝及園子擔保借得公司日洋壹千元不意喜昌竟於民國七年十二月二十日向本溪縣報稱該地契於民國七年一月內被竊呈請補發新契經縣調查屬實敝代理人往橋頭催索

貸款之際聞悉前情即將關係書類提示貴國警察經該區官訊據喜昌自白該契由伊兄桂香岩借款擔保出於同意因借用日人洋款恐惹起交涉故意捏報被竊現已承認於一星期內賣地歸還本利區官已准如所請不料喜昌竟捏詞在本溪縣署提起民事訴訟敝代理人擬申訴事實懇請復審亦未邀准此等不合法之判決不能服從請查照妥爲辦理等情並據抄呈抵借證據及判決印本到署查判決文中以中人胡景春並不承認作保爲正當之理由然查胡景春在借契上書名爲連帶保證人且在其名下印有指押審訊之時胡景春所供是否確實或恃無人爲之質證虛偽陳述亦未可知至該公司受抵此地時關喜昌雖未到場而立有委託證書此層尤應詳究要之案關對外自應究明真相以期折服外人當即令行該縣詳查辦結嗣據復稱違傳原告關喜昌到案訊究仍不承

認有委託桂香岩指地照向寶榮公司借款情事委任狀及狀內指押均係捏造胡景春亦堅不認有擔保情事該日商以該委任狀及中保人胡景春之指押爲有力之證據不知該地既爲關喜昌所有縱有抵押意思儘可直接向該公司抵押何必委任他人即使委任其兄桂馨代辦而桂馨又復委託第三者且第三者爲誰狀內亦未註明此種輾轉委任其中顯有弊端且抵押時關喜昌並未在場業已證明而桂馨既受其弟喜昌之委任向該公司作抵押之行爲現既發生訴訟儘可出頭辯證何以始終逃匿於此可見其受委之不實而盜押之行爲亦昭然若揭且關喜昌胡景春指押均未註明某指及箕斗更屬無憑查對請拒絕該日商之要求等情呈經指令飭警查拏桂馨到案訊明再行呈候交涉

陳家荒居住朝鮮人被警驅逐案

八年二月起至十月止

准駐奉日總領事函稱居住瀋陽縣屬北陳家荒朝鮮人金相晉等租住貴國人陳奉恩等家屋雖租借期限屆滿因各種情由一時難以移轉他處乃貴國警察官憲對於該朝鮮人等竟強制迫令出境瀕於非常之窮境請飭該管官憲准予安全居住等因查原函所稱各節究係如何實情當經令據瀋陽縣復稱查前次收回窰柴官地以內雖有韓人租住之房然租期早滿該韓人等早應遷移何能准其任意佔住且該處不乏民房金相晉等如欲仍住該屯就近遷居並非難事何必如此要求請轉行日領飭該韓人等迅速遷移以免糾葛等情經即轉准日領復稱有沙嶺巡警四名對於該朝鮮人金學容等仍強令立即退出並將其住屋之煖爐破壞此等措置究係根據何項理由殊難了解請嚴令該處警察官吏加以相當保護等因復經令行瀋陽縣查辦尙未據復

王冠甲盜押房屋案

八年三月起至四月止

案據民人洪秀峯等呈稱王冠甲所有坐落大西關王翰林胡同住房六所於十年前已出典與洪秀峯周鎮邦趙喜亭何義張德祥劉玉堂等各一所該房雖已典出則紅契仍在王冠甲之手迄今多年從無轉轉今竟擬以此房託莊子涵介紹抵押於南滿洲農工株式會社立約借款並率領不知姓名之中日人四名驗看房屋似此盜押行爲如不嚴加取締實有妨害等情查王冠甲既已將住房六所典給洪秀峯等又擬以此房屋欺騙日商另押借款實屬有意詐財當經令行瀋陽縣飭警查傳訊辦並函達日領通知農工株式會社切勿收受該項契據在案嗣准日領以該會社對於此事尙未交付款項且聲明將來以該房抵押放款時不得洪秀峯等之同意決不實行等語函復前來復經令縣傳知洪秀峯等知

照矣

日人森山守次等在滿蒙各處開設城業公司熬硝外運案八年三月起至十月止

案奉

省長訓令內開茲有日本人森山守次都元重原口聞一等勾串華人張篤福暨卓達兩王旗蒙民包買城土提出硝磺藥品外運定名爲三國公司飭經各縣查明該總公司設在奉天南滿鐵道用地內遼源梨樹等處均設有分公司此種營業實係違背約章令即照會日領尅日取硝等因查硝磺關係軍火向例不准販運及進出口載在通商約章即中日滿蒙新約中之第四條亦祇有中日人民合辦農業及附隨工業且須經中國政府之允准此次森山等在卓達兩旗包買城土設鍋提硝其非農業上附隨之工業可知按照約章本應禁止且未經中國政

府允准尤爲違約當經照會日領轉飭該公司從速取確嗣准復稱查敵國人森山守次等由居住鄭家屯之貴國人張芝山（即張篤福）所經營之城業公司包買城土輸送至四平街在該處製造曹達灰（城料）及面城之二物輸送於該處三國公司即以該公司之名義販賣於各市場並無製造確礮販賣之行爲亦不能以此項原料製造化學上之確礮等語並附曹達灰及面城標本到署查前奉

省長令發報告書內稱此城不獨可以提確尙能提製強水及極貴重之兩種藥品而日領來函竟謂不能以此項原料製造化學上之確礮究竟該處所產城土是否可以提鍊確礮及其他貴重藥品非將城土化驗明確不足以資折服至該公司未經我國方面允准自難任其自由設立惟日領來函內稱城業公司係華

人張芝山所經營日人森山等包買該公司之城土運至四平街製成曹達灰及面城二物轉送販賣等語查其語意頗涉含混究竟該公司是否合辦性質其內容組織若何事關對外均應調查詳確方有根據當即呈請

省長令行洮昌道尹查傳張芝山訊明實情並將城土呈送化驗調取該公司章程在案旋奉

省長令據洮昌道尹呈城業公司經理張篤福身故並無家屬日人方面合同無從追繳等情令即核議杜絕糾葛辦法呈核等因奉此查張篤福生前與日人森山守次所訂批賣城土合同已否呈經我國官署核准並該公司是否現已解散有無其他奸商暗中經營署內均無案卷可查難以率行擬議惟張篤福現已物故該公司如仍未解散或有其他奸商串通日人暗中經營應由洮昌道尹就近

逕與駐遼日領嚴重交涉以省週折而免延誤隨即呈經

省長令行該道尹遵照核辦具報矣

李殿富呈日警誣竊道鐵案

八年三月起至四月止

據瀋陽縣南一鄉狼窩屯居民李殿富呈稱民子永祥於上年舊歷十二月十三日在日本工頭康木手下傭工華人作工者共有九人作工兩日工價二元零八分屢索不給而康木丟失道鐵疑民子等偷去率領日警內也信曾同華警前來民宅澈底搜翻毫無贓證日警竟將民子永祥拘去民子本未行竊未能承認復飭民子將其餘八人一併送案無如八人均已四散日警亦未查追民子以事已了結於正月二十二日投營當兵翌日忽又來傳因永祥當兵入營日警內也信竟將民帶案用鐵器毒打良久始行釋放聲言仍要永祥到案伏思民子素稱安

分何敢行竊請交涉等情查該民所稱各節究係如何實情當經令行瀋陽縣查據覆稱遵令查明李殿富之子李永祥素行安分實無不法行爲現在陸軍充差何能偷竊道鐵並取具村正張成利切結等情呈復前來查李永祥曾否偷竊道鐵應以有無證據爲斷該日警如果查出證據亦應送交我國地方官訊辦乃竟擅自逮捕並責打無辜按照約章實有不合當經函達日領迅予查阻以免滋生事端旋准復稱岩木末吉所有鐵軌被竊現場棄有李永祥向來携用之洋煙咀故該巡查同該管巡官前往搜查並未發見被竊贓品對於李殿富亦無暴行情事等語已經令行該縣轉飭李殿富知照矣

于允吉地畝被人盜押日商寶榮公司案

八年三月起至五月止

案據海城縣民人于允吉呈稱所有坐落新民縣開龍社册地一百四十四畝於

民國三年冬經金鳳池爲保典與四方台陳家忠立有典契言明地價小洋八百元不意去年陳家忠忽稱此地領由金鳳池押與日商寶榮公司借洋八百元計本利洋約一千餘元非索此地不可當時未與計較嗣有該公司執事人張連卿帶同日人一名逕來索債不允竟齊赴地段硬立標樁霸佔爲該公司所有民思此地係陳某所典金某何得持領押錢地既押與日商理立標樁陳某何仍收穫禾稼種種離奇情形實所不解至寶榮公司之債究係何人所借本利若干請交涉等情當經令據新民縣復准駐新日領照稱海城縣居住之貴國人于德鳳以伊之名義地契一紙作爲押當品借寶榮公司小洋一千三百八十元現計本利二千八百十五元現在對於于德鳳之相續人于允吉要求履行債務而言語支吾並不支付請速傳訊將本案解決等因當將原被于允吉陳家忠傳集到縣惟

金鳳池現住遼陽尙未傳到寶榮公司執事張廉卿自行到案訊據供稱民國七年三月間于德鳳指地領押借公司金票一千三百八十元八分利息立有字據係張鵬雲薛慶豐作保屆時本利未還遂向于允吉追索前欸質之于允吉供稱此地已典給陳家忠接種抱領封糧先人于德鳳死經一百餘年安能指領押借日欸轉詰陳家忠稱亦未指領押借日債各等語查于德鳳死經一百餘年于允吉陳家忠均稱並無指領押借日債情事自應令寶榮公司執事張廉卿及原被于允吉陳家忠等同赴省城找向原保人張鵬雲薛慶豐等切實根究方爲正當辦法詎於三月二十九日堂訊後于允吉回店張廉卿再三威逼于允吉寫立淨還奉票一千一百四十元字據至五月十五日如數交清否則將地交出抵債查于德鳳果借該公司錢欸斷不肯一經成案既免利息又減本洋且于德鳳死經

一百五十餘年更不能有轉死爲生出而押借錢財之理是其共同作僞情節顯然況張慶卿到案既飭赴省找向原保根究乃遲延不去又足徵其情虛至逼令于允吉另立之字據自未便認爲有效已經駁復日領請鑒核等情呈經指令查傳張鵬雲等到案訊明呈候核辦尙未據復

韓人崔士霖買地糾葛案

八年三月起至九月止

案據興京縣呈稱縣民王子喬於民國五年間以自己坐落旺清門地七日房九間山廠二處爲擔保押與韓人韓國正名下計押金一千一百元立有錢到許贖字據王子喬因無力抽贖遂於七年陰歷十二月間託中人吳國財向己入中國國籍之韓人崔士霖出賣言明價洋一千六百七十元立有契約先交價洋五百元其餘言明隨用隨付嗣因王子喬向韓國正備價抽贖此項房地山廠而韓國

正不但拒不准贖且以崔士霖私押其子乾沒押金等情控訴於日領館並

省長公署現奉

省長電令查拏正擬傳訊間即經日領館員佐藤將崔士霖捕送警所謂該犯另有別案關係要求送省訊問當即以理拒絕等情呈請核辦前來同時並准日領函稱與京縣旺清門居住之鮮人崔士霖係毆打傷害不法監禁及毀棄器物之犯人經本館巡查佐藤麟造探知該犯密來新賓堡將其捕獲因無處看押送交與京縣署代爲拘留監視次日前往領取該官憲竟託言左右不肯交出等情電報到館查該犯既在該縣拘留應請暫爲嚴重監視俟派警到與領取時速爲引渡等因當經電據與京縣呈稱訊明韓人崔士霖與韓國正實係因轉典房地之糾葛並無沒金及私押其子情事並經查明崔士霖早已入籍多年曾經奉發部

照有案可稽請轉達日領飭該日警勿再來縣無理要求以符約章等情查崔士霖早經投入中國國籍按照中日約章即使另有關係之案亦應歸中國官署審判自無引渡之可言復函日領轉令韓國正赴縣投訊以憑完案旋准復以崔士霖取得貴國國籍一事請將其取得手續條件及法律上之根據詳細示知等因復經令據興京縣復稱僑民韓國正與崔士霖因典買房地糾葛一案現已經中和息並將崔士霖入籍之手續文件及證書一併送請核辦前來當即函送日領查核而日領又擬直接詢問該犯務請令其來奉並聲明警察署決不逮捕或拘留等語即經轉據興京縣將崔士霖解送到署詢問完畢日領方面亦認爲完全了結當將該犯交由原警解回並令取保釋放矣

南滿會社在奉撫間架設送電力線柱案八年三月起至十月止

案奉

省長訓令准日本駐奉總領事函稱奉天附屬地中日商民人口逐年增加以致點燈用並動力用之電力不足供給因本地之南滿洲鐵道會社電氣設備難以再加擴充擬在奉天撫順間架設送電線即將撫順之電力分送於奉天附屬地對於此項電柱建設之必需土地當付給相當地價再架設此項電柱全係爲分送電力之目的於通信上毫無關係等因查來函所稱各節究竟與地方有無窒礙能否允許令即飭縣詳查核議辦法等因並發地圖到署當即檢同原圖令據瀋陽撫順兩縣派員前往南滿路附近李石寨大小瓦溝子劉通士屯及古城子計軍屯大小瓢屯等處招集各該村村正王德金等詳加查詢據稱圖載送電線路須距離車道日尺五百尺以華尺計之約四十五尺立柱無須多地如果事在

必行儘可在鐵道附近之處敷設何必相距若是之遠盧墓田園所在未便含糊承認等語檢同原圖請核辦等情呈復前來當以此案關係重要似難認爲地方事件即可解決者按電氣事業與本地商務有密切之關係從前遼瀋道尹曾條陳辦法係就地方公私財力酌加推廣俾期振興商務而免外人覬覦此次滿鐵會社擬架設長途電柱雖云分送電力然其發展營業不問可知況彼利用撫順石炭燒發電力成本輕微如果允其接聯至奉省車站其電燈事業日徵發達華商祇圖便宜設如電話之例彼將電燈線引入城垣我之電燈基礎不免受其影響此就商業上立論不能遽行允准者一也鐵路界內電線時有被竊之案發生彼之軍隊警察分段梭巡星羅棋布尙屬不能禁止此次滿鐵會社擬設之電柱線約距鐵路界五丈以外一旦發生被竊案件難免不責言立至然此猶就該地

歸我管轄言之也若彼將所購之地按照鐵路用地辦法遣派軍警前往守護不特沿線居民被其滋擾即中間約五丈之民地耕種亦多不便此就農業上觀察不能遽行允准者又一也况經該兩縣實地查詢民間多未承認尤未便以日領之請求即行照准等情呈經

省署據情駁復日領矣

稅捐局扣留英美公司紙煙案 八年三月起至六月止

案准英總領事函稱英美公司裝載奉天製造之煙捲二十七箱內有廣告一箱上海製造前門牌煙捲二箱按照匯票記帳辦法運往通化縣被省城稅捐局扣留該局並稱奉天製造之煙捲可以放行而上海製造之煙捲當然扣留等語查上海製造與奉天製造同在中國境內均應一律辦理請查照轉飭放行等因當

即函達財政廳查照辦理在案嗣准財政廳咨據省城稅捐局轉據大東邊門分卡報稱車夫馬殿魁等趕車四輛攬裝世和東發交紙煙二十七箱報紙一箱運送興京僅持有納過二萬枝稅票一紙英美煙公司二十二箱執照一紙欲出邊門等語當飭將該車截回查驗除內裝蟋蟀烟十箱係英美煙公司自造及報紙一箱應予放行外其餘十七箱概係上海所造之紙煙當即扣留在局迭據該公司經理人來局聲稱開有執照報過領事即不得謂之漏稅等語當詰以此項紙煙係上海製造與奉天該公司自製者不同且影射於自製蟋蟀煙十箱之中由該公司開具二十二箱之執照並不報稅濫混外運其餘五箱未列執照之內者僅報過二萬枝之稅非漏稅而何且此項紙煙既係上海所製由大連運入因何並無專照窺其言語支離當係未領專照即使在當地銷售亦應納稅何況外運

既不報足應納之稅僅持有二萬枝納稅之票據並藉該公司執照夾雜影射朦混出城其爲有意漏稅毫無疑意乃該公司堅不承認惟有將該貨扣留存局非補稅認罰後不予發還以符定章等情查該公司由外埠運入之煙既未持有免稅單照落地後自應照章完稅與在奉天製煙出廠稅暫准記帳之案無涉何能藉詞一律辦理今該局查獲該公司漏稅之煙已予扣留令其補稅認罰所擬甚是請即照會英領轉飭該公司即速遵照辦理等因當即照准英領復稱上海製造之煙捲與奉天製造之煙捲事同一律何竟扣留不放上海製造煙捲在上海出廠亦必有相當辦法且該公司煙捲無論在上海有無納稅辦法比較日本在營口製造之煙捲不納厘金英商自應同享利益況該公司前門牌煙捲已按記帳辦法補交匯票並無不合請轉達速爲放行等因復經函准財政廳復稱英美

公司在上海設廠製成之煙與在奉天所製之煙不能一律辦理按該公司在奉天所製之煙應完出廠稅辦法係在奉省單行規定其在上海製造之煙出廠稅辦法如何與奉省並無關涉是在奉天製成之煙出廠暫准記帳辦法不能適用於在上海製成之煙其理甚明所有上海製造之煙運奉銷售仍應照外處運入之煙一律辦理遵章納稅等因函經轉准英領以日本公司既不納厘金而英美公司之煙捲自不應扣留索稅嗣後無論如何磋商納稅辦法或按記帳辦法辦理仍請轉達飭局速爲放行以免日久霉爛等因覆經轉行財政廳查核見復在案而財政廳復稱該公司運來三炮台煙捲既已納稅所有此項前門牌煙捲亦應照納以符定章至日本煙捲運銷奉省進口後持有海關所發專照或子口單查與定章相符自然不向徵稅如無單照仍然照征今該公司所運之煙既無單

照當然扣留且其一半已經納稅自不能在奉天製造之煙藉爲口實等因查稅欸記帳一節是專爲在奉製成之煙之暫行辦法至外來烟捲斷難援以爲例經函准英領覆請先行由稅卡取回俟調查原辦章程再行磋商辦理又經函准財政廳覆以英領承認磋商辦理一語似有確定照章納稅之意亦不妨姑先交回留一轉圜之餘地等因查此案迭經函商財政廳相持日久而該公司迄未照章納稅本屬無可通融惟既經英領承認磋商似有納稅之誠意所請先行取回一節既經財政廳承認通融辦理此案自不難和平了結當經函准英領覆文仍無確定納稅辦法祇請允由該公司將煙捲取回等因當經據理駁覆去後旋准英領覆准稅局函件請和平解決仍希轉商財政廳訂期面商妥善辦法並請協同該公司總理前往會議等因查此案迭經辯論始准英領提出意見希望和平

解決似不妨與之妥商辦法以期了結當經函達財政廳請將會商地點及日期預定示覆即准該廳覆允在本署會議當經酌定日期預先函知來署與議矣

佟焦氏呈日人曉木平田等強逼償債案

八年三月起同月止

案據鐵嶺縣屬西小河口民婦佟焦氏呈稱民國二年因家業不振翁姑令夫主與夫胸弟佟遇林分炊立有分單爲據分居以後夫主病故家產典賣殆盡僅餘房屋兩間招戶居住氏與幼女孤子困於度日歸還娘家忽於本年正月二十四號有新台子站日人曉木平田等來氏家索要洋債將翁姑房屋與氏房屋俱各封釘聞翁姑與夫弟均已逃走亦不知翁與夫弟誰欠洋債氏亦不敢過問迨及三月六號該日人曉木平田等又率領多人強將氏架於車上拉至新台子站推入房中拘留屋內有吸鴉片耍錢打瑪排者數人氏係良家女子又是孀婦何忍

外來音奉天來海署來海貨要
賭此景象故乘隙逃至省垣等情懇請交涉前來查該日人曉木平田等對於佟
遇林等果有債務關係自應按法呈追乃竟將毫不知情之佟焦氏房屋擅行封
釘又將該孀婦強行拘留實非正當行爲當經函達日領查照對於該日人之不
正行爲處以相當措置並批示佟焦氏知照矣

稅捐局扣留實業公司貨物案

八年三月起至五月止

案據日領事館員來署面稱東省實業公司於本月二十二日運輸馬尾八包共
計一千二百六十九勛送交三盛精毛工廠被本城稅捐徵收局扣留請轉達該
局先予放行等語當經函准稅局覆以實業公司查無免稅及納稅憑證是以向
其徵收出產銷場兩稅共應納三十四元二角二分請轉致日領飭其照繳等因
經即轉達實業公司查照迅將前項稅款照額補繳並咨行財政廳各在案嗣准

財政廳覆據稅局呈稱日商實業公司坐落日站附屬地內前由小西邊門運入馬尾八包售給大西門外三盛工場雖經製造後始由該工場轉售與三井洋行然與實業公司應認爲就地銷售之貨毫無疑義本局向徵銷場稅均係根據約章辦理並無不合等情請轉達日領飭知各日商一體照辦等因查中日通商行船約章第十二款所載日商在通商口岸外購買土貨應納出口正稅及半稅如在通商口岸購買土貨祇納出口正稅然須運出外國方能將內地稅賦鈔課厘金雜派一概豁免此次日商實業公司採購馬尾八包係售給本地三盛精毛工場業由該工場加工製造已成買賣行爲該稅局向其徵收銷場稅核與條約並無不合總之日人在我國地方採購土貨如係就地銷售或加以製造者即應比照華商完納稅項如係輸出海外者應先請領三聯單換領採購地方之運照方

能免稅若係藉口輸出而仍在本地製造或銷售則不能沾約載免稅之利益復經函達日領轉飭遵照嗣據實業公司覆稱所運貨物應繳出產銷場稅共三十四元二角二分自應照繳俟奉總領事令知即可遵辦並請先予通融放行等情當經函達稅局查照辦理矣

稅捐局扣留三浦洋行皮貨案

八年三月起至九月止

案准日本總領事館電話稱小西關三浦洋行裝送獸皮十七件被稅捐局扣留請知照放還等語當經函准省城稅捐局覆稱三浦洋行所運之獸皮係應行納稅之貨如不認稅當然扣留請轉達飭交稅款奉大洋四十二元一角三分即可通融放行等因並附稅單一紙到署查單開驢狗各皮係由何處運來有無納稅憑證此次應收稅款係何名稱從前日商所運類此之皮張是否納稅有案經函

稅局畧以三浦洋行所運驢狗各皮未詳來自何處亦未見有免稅及納稅之憑證是以向其徵稅其稅之名稱係屬銷場此指由吉江兩省運入者而言若係由本省外城運入者驗無稅票尙應補征一五之出產稅從前日商岡田等洋行運入類此之皮張等物均按三五併徵出產銷場兩稅當經填給稅票有案可稽今三浦洋行既由外運入皮張自未便獨異等因仍請轉致日領責令該行照繳前來當即轉准日領復稱敝國人以輸出之目的在開放地帶內收買貨物輸出之際除完納輸出稅之外似應免除一切之內地稅賦厘金而此等貨物經過小西邊門竟須徵收厘稅究係根據何項條約應請說明復查中日通商航海條約第十二條有日本國臣民在清國開港場所收買一切之生產物及物品輸出之際祇完納輸出稅之規定若非禁品當然無負擔內地稅之義務近來稅捐局對於

敵國商人由當地輸出獸皮雜銅等貨強制課稅於條約明文不無誤解等因查洋商在我內地購買土貨應先赴海關請領三聯單方能免內地厘稅此爲各國所同獨中日約章有在通商口岸購買中國土產貨物祇完出口正稅之規定此次日商所運獸皮如在開埠地方所購買證以約章似難向其收稅惟此項貨物究係購自何處應令稅局詳查真相如果購自內地又未領有三聯單自應責令繳納以重課稅再日人在奉經商往往收購土貨加以製造即行出售藉出口之名行其漏稅之計殊與我之稅收甚有闕碍當即咨行財政廳飭查詳擬辦法以杜弊端正候該廳核復間又准稅局函稱三浦洋行應繳稅款奉大洋四十二元一角三分迄未照辦未便日久慮懸請轉致日領飭令該行迅速來局照繳等因復經轉准日領覆稱三浦洋行主任已將稅款如數繳清請查照等語遂函復稅

局查照矣

英商利記洋行運貨被稅局扣留案八年三月起至四月止

案准英總領事函稱茲據英商利記洋行經理人來署面稟本行裝車運貨送赴南滿車站行至小西邊門被稅局攔阻索要厘金等情查利記洋行係屬英商該貨物既有海關三聯單與其他英商事同一律該稅局攔阻貨物索討厘金殊有未合今該貨被局攔阻已經數日之久不准放行將來受有損失定向該局要求賠償應請轉達財政廳飭局迅爲放行等因當經函准財政廳覆稱據省城稅捐局呈稱據小西邊門分卡報稱三月十九日英商利記洋行從外運入馬尾五包二十日從外運入猪鬃二十一袋均經開給車夫卡票等情當傳該洋行執事人對詢據稱係由外城購進之貨有三聯單隨告以在外城採買土貨應將三聯單

由外城稅局收留換給運照既無運照且係落地之貨與過路者不同例應納稅
其二聯單無效該執事不服悻悻而去乃二十四日該洋行又有外運貨物兩車
行至小西邊門分卡查詢既無運單又無護照究竟有無前兩日運進未稅之貨
影射在內不得根究明白方能放行詎該行押車人因攔其外運遂將車趕至
本局門首硬欲強卸而去本局未允始仍拉回二十五日仍以前兩車挿英商利
記洋行旗幟行至小西邊門又經分卡攔阻該行並不來局解決斷無僅憑該行
一旗准其出入自由之理縱有損失係其自取與稅局何尤竊意此事該洋行應
先將運進之貨照章納稅持三聯單來局驗明換給運照如未領有三聯單或將
買自本城何家之貨發票送局驗明請領護照以作經過邊門查驗之據方爲正
辦乃計不出此徒以挿有洋行旗幟即欲自由運送殊違定章請轉咨交涉署照

會英領事飭令該行分別納稅等情查該行運貨係屬兩起其由外城運入者應在起運之地換領運照以備落地時查驗此次該行既未持有運照運至省城落地當然照章納稅至其外運之貨係在省城起運應持三聯單赴省城稅局換領運照以便查驗如此分別辦理始符定章請轉達英領轉飭該行遵照等因當即函復英領矣

關慶春等呈日人誣竊道鐵拘押鄉民案

八年三月起至五月止

據瀋陽縣東路二所中心屯民人關慶春等呈稱陽歷三月二十一日有日人數名帶同當地警察至民屯聲稱查我鐵道寸釘等物因找查無着硬將村正莊萬榮百家長莊景海住戶范姚氏等帶至孤家子日本警所匪刑拷打用洋油灌口逼供誣賴民屯有偷竊道釘之人范姚氏係懷孕之婦因受刑不過誣稱其子范

小小赴車站拾取炸子希圖免受匪刑該日人又調守備馬隊五十餘名同繙譯王金亭闖至民屯按戶查搜道鐵寸釘等件終無搜得贓據並緝范小小未獲致將范常山孫小發及村副范廣仁等一併逮捕日警署用刑拷訊不放民等邀集本屯紳耆等三十餘名赴日警署請求保釋該日警竟要挾出具保險鐵道切結由孤家子至深井子一站如丢失物件非着民屯賠償不可限兩日將結交到否則即將村正副扣留嚴押並派警抄沒民屯財產等情查孤家子日警疑及該屯鄉民有偷竊道鐵情事如果證據確鑿自應交我官署依法訊辦乃竟擅將莊萬榮等先後拘留警所匪刑拷訊並用洋油灌口逼供該屯紳耆往求保釋又被扣留責令具結似此肆意滋擾實屬有違約章當經函致日領對於該日警之不合行爲予以相當之處置並飭將該民等釋放毋再任意拘留以免釀成意外並令

瀋陽縣飭警保護在案旋據該民等呈以該警署繙譯王金亭仍赴民屯要索賠償日人大洋五百元逼令出具保護鐵道切結等情請交涉前來查此案准日領事覆稱范廣禮犯有偷竊道鐵之嫌疑故該處日警將該村正等傳至警所託其搜查並無拘押情事等語核與該民等所稱情形不同復經令據瀋陽縣查以據警察一區區官殷功純報稱牛心屯距日本火車站不過里許火車載煤時常搖落該村居民每在道旁檢取煤塊被日本守備隊瞥見疑是竊取道釘故次日前往搜翻並無道鐵道釘遂將該村正莊萬榮等先後傳至警署究詰並未用刑拷打逼灌洋油等情該民等呈僅係一面之詞無憑確查而日警令該屯出具切結勒限送到該村正當已允許日警即一併釋放復至孤家子日警署與之交涉該警已允不再追究亦不令出切結等情呈覆到署當已傳令該民等遵照息訟矣

查禁奉天車站內中日人等售賣鴉片嗎啡案

八年三月起至四月止

案准日領函稱查從前奉天附屬地內凡遇貴國人攜帶或吸食鴉片者一經查覺即行引渡此種實例頗不罕覯乃近來鐵道附屬地內妓館客棧時有私行吸煙情事亟宜嚴加取締用以貫徹禁絕鴉片之目的曾於本月十二日將妓館客棧各執事人全體傳至警務署嚴重誥誠現有煙土及吸食器具應即焚燬如再查出有供客吸食鴉片情事或發見吸食器具之時定予處罰或停止其營業決不寬貸等語嗣後如查有貴國人吸食或攜帶鴉片者一經查覺自應悉行引渡即敝國人有買賣鴉片及嗎啡等時應請盡行告知敝館以期協力杜絕根株等因查禁煙政令業承各友邦贊助一致進行奉省本係禁絕省分祇以奸商圖利往往於南滿鐵道用地以內私行販賣甚至明目張膽開燈供客妨害我國煙禁

莫此爲甚節經交涉有案並迭與日領晤商請其嚴禁以祛流毒日領來函聲明
取締辦法僅限於奉站一隅未免有掛漏之虞當經復請通令沿南滿路一帶日
警一律查禁并分呈

外交部省長備查通令所屬一體嚴禁旋奉

省長以關於南滿地方雜居日人凡販售鴉片嗎啡留藏匪徒接濟槍彈各事均
應由日領力予贊助切實取締俾期內政日見修明邦交益臻敦睦等因令經面
商日領允爲令行南滿沿線日警隨時逐項查禁遂於本年四月二十三日呈
復

省長備查

商號福隆廣等控朝鮮人鄭鉉圭等拖欠糧價案

八年三月起至五月止

案據糧商福隆廣等呈以賣給朝鮮商人鄭鉉圭等稻米五十八石八斗五升共價四千元當交載運鐵紙爲欠糧價之質該鮮人等將米盡數付與日本商人柿本一夫毛利柏太二名運往長春旋將欠價分還二千五百元下欠一千五百元換發欠款期照屢經催促亦未清償嗣經訴由日本領事館傳據該買主等供稱現在毛利柏太將該項稻米餘額運往長春倒賣等語經日領通知長春站將貨扣留請轉達日領轉飭日商迅將欠款清償以維商艱等情查鄭鉉圭等拖欠福隆廣等四號糧價延不償還殊屬不合當經函准日領覆以該鮮人係受日人柿本一夫之委託對於福隆廣等介紹等買白米交付米價應由柿本與福隆廣等直接辦理現因白米之半未經賣盡故未交付價格應即迅爲轉賣以便清償等因函請查照並附始末書到署當經牌示福隆廣等號知照並將始末書抄給

閱看令其逕向日人柿本一夫索償欠款未據呈復

德興和等商號控日商東瀛銀號不付匯款案八年三月起至六月止

案准總商會函據德興和等八號執事姜鵬舉等呈以去歲陰歷十二月間先後交付日商東瀛銀號奉票小洋二萬零四百三十元共計匯往營口爐銀三百三十錠均有匯票可證詎意前往營口照取時該支拂人怡泰號政記同安得三家均拒絕支付不得已回省向振出人東瀛銀號索取原交金額該號又多方支吾延不交還等情當經本會交由公斷處傳集兩造依法處理由東瀛銀號執事王會川承認出賣爐銀照開匯票屬實並請求予限五日設法辦理現已逾限多日尙未據復請函達日領勒令東瀛銀號將原送爐銀價額如數返還以保信用等因查日商東瀛銀號經手出賣爐銀匯至營口支拂人政記怡泰同安得三號抗

不照付自應由經手人將原交價款如數返還經總商會斷令依限辦結該銀號竟置不照辦非但有失信用抑亦違背法律當經函達日領嚴飭該日商遵辦在案嗣准日領覆以東瀛銀號僅立於買賣者之間爲其介紹至繳還匯款之義務者當然爲營口西義順請轉知姜鵬舉等應照過爐銀買賣事實上之習慣由該過爐銀賣却者履行債務等因並附辯駁書到署查日館來函所稱各節與營埠爐銀買賣習慣是否相符當即函復商會查復以憑核辦旋准該會覆以該商號等呈以東瀛銀號主張盡屬捏詞毫無正當理由據理辯駁如左(一)東瀛銀號辯訴略謂當買賣成立時伊號所住客商與商等雙方認可伊號立於介紹地位云云查商等購買爐銀係向該號直接辦理價金亦係直接交付該號開給本家之匯票蓋伊本家之圖章是該銀號確爲過爐銀賣却者商等並不識該號所住

之客商亦未與晤面焉有雙方認可之理其所謂立於介紹地位者顯係捏詞狡辯希圖卸責(一)東瀛銀號又謂商等貪圖爐銀價廉俟日後出售價額必高以爲居奇獲利並謂將匯票置於高閣云云查商等於去歲陰歷十二月二十六七日即赴營口領取爐銀並未少事擋擱不意該支拂人竟拒絕支拂商等無奈即回省起訴均有案可查而該銀號竟謂商等將匯票置於高閣希圖獲利實屬虛妄已極(二)日領又謂應照過爐銀買賣事實上之習慣由該過爐銀賣却者履行債務云云查商等購買爐銀係直接與該號辦理價額亦係直接交付已由第一項陳述證明該銀號確爲過爐銀賣却者照日領之判斷該銀號絕無卸責之餘地也據以上三項之陳述請轉達交涉等因查該商等所稱各節理由頗爲正當復函日領嚴飭該日商等將各該商號等原交匯欸悉數償還並酌量賠償損

失以昭信用而日領獲稱東瀛銀號情願由中人調解和平完案即准商會來函聲明東瀛銀號以營口現時通行之爐銀付與七成以西義順無期之爐銀付與三成德興和等八號均願完結以息訟累等因當於本年六月十二日函復日領查照矣

中交兩行蓋有吉黑字樣之紙幣兌換案

八年四月起至五月止

案准日總領事函稱據撫順上床警務支署長報稱現接該處縣知事公函對於中交行蓋有吉黑字之紙幣已奉令限期兌換等因並據日本駐在本溪官憲報同前因查此案省署對於奉省各縣似發有一律通令惟對於此事有應聲明者（一）此事是否僅限於外城而於奉天市街無何等之關係（二）此種奉省錢法統一計畫與前由貴我金融調劑委員會所決議之奉省銀行根本整理及防止

濫發紙幣或類似鈔票之方針有何等關係以上兩層極擬知悉應請查照見復等因查來文所稱第一項證之本年三月十二日奉天公報所登省公署訓令係屬全省一律禁用並無省垣外城之分第二項聲明各節查前次中日金融調濟委員會所定辦法係以實行大洋爲本位所有各銀行號前發一元以上之小洋票自應一律收回曾經列入條件之中迄今該兩行之黑吉長春之小洋票流入奉省與實行大洋本位殊有妨碍此次省署禁止中交兩行黑吉長春之小洋票係屬限期令行該行如數收回原本於實行大洋爲本位防止紙幣濫發之計畫核與委員會原議相符當經函准日領復稱風聞中交兩行之小洋票有吉黑長春字樣者限於本月二十日以前一律收回過期即行停止兌換期限如此短促恐不能使一般做國人週知擬請再爲延期兩個月間等因當經呈奉

省長指令現經核定於二十日起展限十日以便收兌屆期即不再行使等因令經轉准日領復稱吉黑及長春字樣之中交兩行紙幣有嚴禁流通停止兌換之事惟對於敝國人所有者須得以隨時兌換等語當即詢據中通兩銀行聲稱所有兌收未竣之紙幣可以持赴長春向各該行兌換通行紙幣此間收換辦法實難再行寬展等語查此次奉省禁用該項紙幣係欲貫徹前定大洋本位政策展期一層實屬碍難辦到此時日商如尙存有該項紙幣祇可按照該行訂定辦法彙成總數赴長春各該行兌換經日領通告僑商一體知照旋准復以商業會議所召集重要商家協議善後辦法以爲赴長春兌換有極不便利之情形並亦不勝其煩等因函請便通前來當即通知中交兩行酌定通融辦法未准答

復

JUL 23 1935

0.97

73



外交部奉天交涉署文涉節要





3 0590 6489 3

武迺文詐財案 八年四月起至六月止

案准瀋陽地方審判廳函稱本廳受理武迺文詐財一案提審數次供詞狡展查有韓人林應龍者於本案有應行傳訊之必要請轉致日領代爲查傳等因即經函准日領覆以查鮮人林應龍如有犯罪關係應由敝館訊明轉達請將犯罪事實及查訊要項見復等因函經轉准瀋陽地審廳以本案原告人楊炳中供稱伊之地二百四十畝零六分坐落新民縣屬巨流河杜魯板牛糸處被武迺文盜賣日人遠口名下質之武迺文則稱伊之地亦坐落新民縣屬巨流河杜魯板牛糸處共有兩段一段二百八十五畝係熟地一段一千零四十九畝三分三厘係升科地後以升科地之大照押借日人遠口日金五千元五厘生息復因用錢又將兩段之地全行租與鮮人林應龍耕種訂有租契三年期滿實無將楊炳中之地

包套賣與日人情事等語究竟武迺文與林應龍所立之契約是賣是租非將林應龍傳廳質訊難期核實再查林應龍對於本案僅立於證人地位並非被告人請轉達日領查傳林應龍及遠口來廳質訊或訊取確供見復以憑核辦等因函覆到署復經函准日領以鮮人林應龍現正染病遠口(當係原口統太郎)往山東未回不得已查訊原口農場事務所員西宗太郎據稱原口統太郎與武迺文五千元之借款確係事實蓋因武姓對於該地持有確實之地照不但每年繳納租糧且徵於村民之證明亦確認為武姓所有再鮮人林應龍訂約租種武迺文之地亦係實情等語函復前來當即轉達瀋陽地方審判廳查照矣

警察侵入日商舖搜緝逃犯交涉案

民國八年四月起至五月止

案准日總領事函稱四月七日午後三鐘時省城第四警察署第二分署巡官盧

某帶同部下警察十二三名侵入大西關第一區第十一號雜貨商植原甚兵衛家突然將該商家中僱傭華人李富海毆打當時聲稱因有竊盜犯人逃入潛伏現要搜查家宅等語植原以我等日人無由中國官憲搜查家宅之理向其拒絕該警察等即以木棍毆打該商以致受有如附件醫師診斷書所載之傷該警察等在室內到處搜查並將行李箱櫃等全行打開聲稱搜查嗎啡終無所得此時植原擬赴日警署報告遂即外出嗣因室內雜亂恐遭被竊之虞由中途折回警察已將使用人李富海認爲竊盜嫌疑犯捕縛而去查點東西始知在衣服內所藏之現款三百三十六元爲該警察等竊去等情呈訴到館查中國警官無故率警入日本人家宅搜查殊有未合請飭該管官憲將暴行巡警嚴加申斥對於被害者尙希研究一相當辦法等因並附診斷書到署查日領所稱各節究係如何

實情未准警廳函知果有竊盜犯人潛匿於日商店內按照中日通商行船條約第二十四款似不能遽行搜查當經呈請

省長令行省會警察廳按照原函所稱各節澈底詳查務明真相俾資應付旋奉

省長令據警察廳呈復關於警察侵入日商家宅一案原因李富海屢犯嗎啡竊盜被獲究辦有案此次順城街聚增盛估衣舖被竊該案發生後即接匿名信稱係李富海所爲等語查李富海即有竊案在先又非良民於此案不無嫌疑隨即飭警認真查緝警士許長久等於七日下午三時在日商植原雜貨舖附近撞遇李富海向前逮捕該犯當時逃入植原舖內警士深恐該犯藉便逃逸一時情急不及通知日警跟追入舖逮捕而日人以李富海係伊傭工向前阻止經該警士

等強制捕獲出舖至日商植原所稱巡官盧某帶警十二三名侵入舖內將其傭工李富海毆打並在室內搜查嗎啡各節均與事實不符竊取現款三百三十六元尤無其事該警等捕獲李富海即時出舖在未出舖之先植原並未外出何能行竊所有植原傷痕或因捕犯爭執之際誤碰微傷決非毆打所致而巡警對於人民尙能和平對待豈能以暴行加諸僑商中外人士共能見諒並將巡警許長久等量加懲處等情令即轉達日領知照等因查植原甚兵衛所稱被警毆傷及搜查嗎啡竊取現款各節業經警廳查明均屬失實巡警許長久等因追捕竊犯擅入日商舖內殊屬不合已經該廳酌量處罰當即函准日領覆以植原被巡警毆打致傷一事證以當時醫師之診斷書當可明瞭至巡警搜查植原居宅遺失現款當時曾令有責任之我警察官實地調查認爲事實警廳否認此事究係如

何根據頗難了解且暴行巡警如何處分請將官職姓名及處分要領見示對於植原仍祈另籌相當方法等語即經函達省會警察廳查照核辦尙未准復

南滿公所擬繪安奉鐵路線路圖案八年四月起同月止

准滿鐵公所函稱本社因繪製安奉鐵路線路圖預約三個月自石橋子站至鳳凰城站之區內擬在鐵路左右約十華里以內使用測量器械請查照迅予轉知各該官民等因查測量鐵道係因製圖起見事屬可行惟當此青苗生長時代又定期三月之久正值秋收成熟之際與農民收穫大有妨碍自應緩至秋穀登場後再行舉辦當經函准該公所以測量線路可無過慮如有發生損害情事應予賠償等語函請允許前來查測量路線時如有損害既據聲明肯負賠償責任自應通融准其辦理當即令行本溪鳳城兩縣飭警曉諭居民知照如果生有損害

應令核實賠償並一面函復該公所查照辦理矣

韓人金昌鎬批買匯泉店糧石案八年四月起至八月止

案准奉天總商會函稱大西關匯泉糧店專代中外客商買賣糧石本年陰歷正月間有大興洋行朝鮮人金昌鎬由該糧店買去客人穀子五百石每斗議定奉票一元一角七分共價五千八百五十元當時經金昌鎬親自將囤中穀子驗妥交付定洋九百五十元由該糧店開具存穀子五百石紅飛交給金昌鎬並約定開囤取貨時即將下欠買價四千九百元付清現有帳簿可查近因市價漸低金昌鎬擬將紅飛退還並向索取定洋查本省買賣糧石凡價量貨色一經講妥買主即交付定錢賣主即開給紅飛嗣後無論糧價漲落買賣主均不得違約此次金昌鎬向匯泉糧店買妥穀子五百石當時交付定洋並由該糧店開給紅飛是

買賣已經成立乃金昌鎬因糧價低落竟擬退還紅飛堅索定洋非惟習慣所不許抑亦法理所難容請設法辦理等因當經函達日領轉飭該鮮人照約履行以維信用嗣准日領復稱朝鮮人金昌鎬所買之粟米係經居住朝鮮平壤府朝鮮人張汝瓚委託代買之關係現因米價低落貨樣亦多差異金昌鎬個人有難以獨斷解決情形業經本人以書信向張汝瓚詢問等語函經總商會復以此項穀子既經註明金昌鎬名下存糧自不得以代買推託穀樣係經指圖驗明亦不得再以差異藉詞現在時屆炎夏若再任其延宕穀子遇熱將致霉變請照會日領轉飭金昌鎬速行交價起貨等因復經函准日領覆以承買粟米之鮮人張汝瓚並無何等之答復至金昌鎬現因犯罪在長春領事館監獄服役對於本案難以履行契約匯泉店可將所收定金任便處置並希將本案契約解除等因函復前

來即經轉達總商會轉諭匯泉店執事劉雨田按照慣例將前約解除並將所定辦法見復尙未准復

日商松井辰三郎購買杜元明等木料糾葛案

八年四月起至七月止

案准日領函稱興京縣新賓堡河北居住敝國木材商松井辰三郎與通化縣拉古河居住杜元明等六名及柳河縣西大肚子居住羅杏等二名訂立契約購買白松二千六百根其中有一千根在新賓堡河沿交付尙有一千六百根曾與當事者在山會同蓋有松字黑印後因興京縣新賓堡之貴國商號德興源及德盛永與上開契約人另定買賣契約將松井業已購定白松上松字黑印抹消蓋以慶德二字之黑印現已開始搬運松井雖向賣主詰詢然因不得要領不得已控訴於興京縣亦未解決請轉令該官憲諭令按照原約速爲履行等因查日領函

稱松井已在興京縣呈訴究係如何實情應速查傳杜元明等審訊明確辦理了結當經令據興京縣覆稱遵將杜元明岳景雲李文明周廣庫日人松井傳案對詢始知岳景雲周廣庫二人採買木料蓋印在先松井係後由李文明等手批買蓋印時松井並未親往遣人去的李文明等亦未跟去致去人含糊將岳景雲等已蓋印之木料又爲蓋印此係實情既經證明復經中人葛全勝從中調和該松井亦無可如何遂給出立甘結各不相爭杜元明等亦願將松井先交之款一千二百五十五元如數退還松井已運去之木料一千餘件作爲包補費山上未經運去之木料由松井出立退單作爲和平了結現已將款如數交清松井亦給出立退單等情當即函復日領查照銷案矣

日人吉川組堆石佔用裕德地畝案

八年四月起至九月止

據右翼佐領裕德呈稱有冊地一段坐落城北柳條湖村東頭台子處附近南滿鐵道東傍前年有吉川組日人強在該地堆積石子初以爲堆石無非暫用之計萬不能久遠詎迄今二年有餘不但尙未移出而且增加日多一日現佔之地約有二三十畝之多懇請照會日領轉飭吉川組速將石子運出交還地畝等情查該吉川組強佔地畝堆積石子延不搬運殊屬非是當經函達日領轉飭該日人迅將所佔地畝尅日退還在案嗣准復稱此案業經吉川組與該村村正互商美滿和息等語當經牌示裕德知照矣

日人岡崎潔丸在太平寺門前埋樁佔地案

八年五月起至六月止

案據瀋陽縣呈稱本年四月二十四日據警察所長萬純一呈報偵探警士史海山經過太平寺門前見該地有日人埋立標樁二十餘根上書岡崎潔丸沙石採

集地字樣遂往太平寺查詢據該寺僧與總管衙門聲稱該地本係寺產前清宣統年間租給安崇山耕種今不知何故被日人埋立標樁當將安崇山飭傳到案訊據供稱該地係宣統二年經寺僧本瑞租給伊耕種共地七十餘畝價洋百元立有租契借字各一紙後經伊轉押與景春元名下今日人埋樁實不知情等語由所送請核辦到縣當經提犯研訊供仍如前知事查該地究被何人盜押押價若干有無利息契約如何規定中保係何姓名未據債權者來縣告訴無從知其底蘊並將安崇山暫行管押請轉達日領轉飭岡崎潔丸迅將本案一切證據抄送過縣靜候核辦並先將所埋標樁盡數撤去俾免誤會等情當經函准日領復以敵國人山根佐喜藏受該地所有者穆本瑞之委託管理太平寺房屋及寺前土地七十三畝三分旋由山根將寺前地畝租與岡崎潔丸採取砂石各節並附

契約證據等件請核辦到署查太平寺房屋及土地統係前清皇產向歸三陵衙門保管穆本瑞爲該寺僧人祇有經管香火之責並無處分寺產之權前與太興合名會社案中迭經聲明在案該寺僧與人訂立契約固係非法行爲而日人山根佐喜藏不查實在竟收受其契約又未經三陵衙門許可當然不能認爲有效且聞山根佐喜藏係太興會社僱用之人即該會社地畝一案業以無條件解決是關於太平寺之糾葛已經清理了結不應再生枝節當即函復日領轉飭山根佐喜藏迅將前項採石證書尅日取消已埋標樁趕速拔去並將該寺房屋及寺前土地七十三畝三分如數交出不得藉端管理並令瀋陽縣遵照查傳該僧訊明確情呈核尙未具復

日本守備隊在公主嶺設立無線電台案

八年五月起至十一月止

案奉

省長令准交通部咨據報駐公主嶺日本守備隊在該處操場內設立無線電台核與我國電信條例有碍未便准其設立等因即經飭據懷德縣呈稱查得公主嶺日本守備隊操場內架設無線電柱柱高約三十餘丈周圍有板房十三四間四週皆用鐵線圍繞不能進視該房內安設收電機一部發電機一部設有守衛兵官訪得該無線電係與滿洲里青島日京三處每日往返通電察看情形似係永久經營性質等情令與日領交涉定期速撤等因奉此查一千九百十三年十月四日中日兩國政府代表所訂水線登岸合同第三條內載日本政府如未經中國政府允許除在上海附近登岸之水線外當不將在中國境內之日本水線擴充亦不用其他方法與中國電報爭利如建造陸線或無線電等語今駐公主

嶺日本守備隊竟建設無線電事前未經我政府允許實係違背前項合同當即照會日總領事轉行該處守備隊將所設無線電台從速照約拆卸嗣准以公主嶺無線電台係根據西歷一千九百零八年十月十二日協定之中日電約第一條設立再本案爲防中國方面誤解當設立之際已使町野中佐向

張巡閱使說明並荷諒解矣希查照轉復等語覆經呈奉

省長指令前據町野顧問說明係在鄭家屯試驗無線電信十日即行撤去並無在公主嶺設立無線電台之說日領所稱未免誤會現經咨准交通部復以中日電約第一款內載有若非先經中國允許於租借地外及鐵路境外中國各處不安設水線建造陸線並電話線以及各種無線電報惟以後他國若有舉辦當按利益均霑之條辦理等語查該處租借地外及鐵路境外我國並無允許他國設

立無線電台現日軍在公主嶺安設無線電台顯係違背電約侵害主權請飭嚴重交涉俾令撤除等因令行到署查該日軍所設之無線電台地點係在南滿鐵路公主嶺車站用地之內而中日電約第一款又載有鐵路境外一語前與日領交涉時即係以水線登岸合同第三款爲駁拒之理由而日領復文則以中日電約第一款爲設立之根據究應依據何項條款向日領提出交涉尤應審慎研求復經呈奉

省長令准交通部咨開自應仍以水線登岸合同第三款向彼交涉爲宜等語令即遵辦等因同時復准日領函稱貴國之主張毫無根據該無線電台又經張巡閱使承認水線登岸合同第三款對於南滿鐵道附屬地內之軍用無線電信無從援引敵國在南滿洲擴張電信或設備無線電信可援用中日電約第一款之

規定萬無與貴國電信爭利之事等語查日人如在我國境內擴充水線或建造陸線及無線電等按照中日水線登岸合同無論其在何處事前未經我國政府允許者即爲違背本合同之行爲我方援用該合同要求撤卸理由至爲正當乃日領來函謂本案無可援引措詞未免牽強又謂曾經張巡閱使承認尤與事實不符復查前清光緒三十一年七月由電政大臣奏請飭下外務部照會各國公使文稱無論何國何人一概不准在中國境內私設無線電報從前英人在上海租界匯中旅館及俄人在甯海所設之無線電均經飭令拆卸有案是前項合同訂立以後我國政府亦無允許他國在中國境內設立無線電報之事日本駐公使嶺守備隊所設無線電台自應從速撤卸以符約章即經函復日領查照辦理尙未准復

那滋濱欠日商西村多三郎款項案 八年五月起至八月止

案准日領函稱遼陽日商西村多三郎借給那滋濱款項以土地壹萬二百十八畝爲抵押今以月利三分計算已達四萬五千元之多西村擬將那滋濱所籌之三萬元外再交一萬元解決此案請從速辦結等因當經函准營口交涉員以查此案之緣起係那滋濱以坐落盤山縣土地生有膠轄與地戶爭訟冒領大照九張捏地一萬餘畝私與日人西村多三郎定立商租契約以抵前借該日人之款嗣經該縣知事查明將冒領大照通詳作廢呈經本署與駐營日領交涉否認商租惟查傳那滋濱則潛逃未獲案懸兩載幾經交涉該日人始情願取消商租只求償還前債即經飭縣勸丈那滋濱地畝勸令各地戶出錢得地代爲償還但那滋濱所借債款查係二萬一千六百餘元各地戶所出之錢僅足還本該日人則

擬連同息利要求五萬元不敷甚多而那滋濱自有之地不過二千餘畝且非常瘠薄各地戶又困難異常一再開導始認出買價二萬元繼增五千元交涉至再該日人僅讓爲四萬五千元因懸殊甚鉅相持未協最後該地戶等又增至三萬元而該日人方面對此三萬之數仍執而不允以致案懸至今未能解決現在該日人擬以四萬元爲最少之額請求駐省日領爲之提議抑知該地瘠薄即就四萬而論亦屬不值况人更尤倍行困苦充其力量恐不能過此三萬請轉達日領轉飭該日人再加讓步承認此數以期了結等語函復前來查原函所稱土地瘠薄及地戶困苦各節均係實情當即函准日領復據西村呈稱租用該地所需資金悉由正金銀行所通融者有每月繳付利息之關係償還小洋三萬元碍難允許復經再三傳諭令其讓步據稱請將三萬元先行交付其餘之一萬元附以法

定利息俟秋後收穫時按年拔還等語請迅速解決等因經函准營口交涉員復以西村所擬讓步辦法民間虧累甚鉅難允從只有飭縣趕辦三萬元轉交西村收領下餘一萬元仍應由西村讓免庶幾此案得早解決等因復經函准日領復以西村當時勉從貴國方面之希望允以四萬元了結茲因民力艱窘未能解決應請轉知該官憲准其按照原訂契約實行商租并希保護等因當即復請轉知駐營日領逕與營口交涉員就近協商辦理案尙未結

鄭會廷欠日商福星當款項案

八年五月起至十一月止

案准日總領事函稱本邦商福星當經德興糧店執事吳漢卿高俊清等爲保證借給鄭會廷日洋三百元現已經過償還日期雖經屢次催促終不照約履行債務請迅予辦理等因當經令行瀋陽縣查復債務人鄭會廷中保人吳漢卿等到

案迅明勒令從速清償了結嗣據該縣復稱訊據保人吳漢卿高俊清等供稱鄭惠廷已潛逃無踪甘願代爲償還等語遂令該保人等各還其半以昭平允當據吳漢卿呈繳日金六十元高俊清呈繳日金五十元餘款請予限措繳等情呈請轉送前來當即檢同該款函送日領查收轉給並令縣嚴追尾欠未據呈繳到署

陳煥章借款案

八年五月起至九月止

案據開原縣民陳煥章呈稱自置市房三十二間坐落開原驛鐵道用地內四區一號於民國二年舊歷十二月間持此地皮證書三紙作抵押品借使正隆銀行金票一千元次年續借金票九百元按月二分一厘生息限定六個月還息一次立有借券爲證至七年正月間尙未屆還息之期經該銀行富協理擔保將民市房七間租與日商小林居住租價洋三百元立將租項兌歸息金經該銀行允認

詎料小林租住五月間負約搬出租價未給當向富協理追問伊忽食言以致還息誤期並有銀行僱用華人錢耀廷欠民小洋一百四十元擬以此項抵補息額錢亦允爲代付不料屆期爽約屢追未給而伊由此懷恨在心遂勾串銀行收沒民產藉資挾制民遂多方借貸湊足金票二千八百七十元足敷息債全額託杜錫九等說導允協款到贖契比至交款該銀行總辦拒不收受聲稱抵押房產已變賣村田管業所賣之款全數沒收令向村田辦理民與村田既無債務糾葛又無直接關係未便間接追產當迭在開原縣署並鐵嶺交涉局呈請交涉迄無端倪而錢某復勾串村田硬將房間拆毀變賣受價甚鉅查銀行章程如債務抗不履行准由債權者通知商務會及管轄機關對於押品公平估價邀同債務人署名認可賣約始能成立所得之款除還債權者本利外餘歸債務者收領是債權

者僅有追債之責並無沒收押品之權民既未抗債不還債權者對於押品自應妥爲保管何得擅自沒收更不得變賣民之市房價值超越債額十分之七八豈能以值萬餘元之產抵此二千餘元之債其理甚明且其所捏契據民並未署名書押當然認爲無效懇請據理交涉以維民生等情據此當經令據鐵嶺交涉局復准駐鈇日領照稱此案發生於前任領事時代正隆銀行係照當初與陳煥章金錢貸借契約經債務不履行適法之手續始將該擔保物品處分以便收回債權陳煥章所以主張已消滅之權利者因開原經濟逐年發展此種擔保物品現在自然價值高騰陳煥章因之遂發生此種要求俟籌得何等辦法時再行協議等因呈經指令繼續交涉早日解決究竟該領事已否籌有辦法未據該局呈復

韓人千官旭殺害趙德弘案

八年五月起至七月止

案准日領函稱與京縣旺清門頭道溝居住義用團甲長鮮人千官旭不知因何遺恨偕鮮人崔志善及卓姓等二名闖入該處之鮮人趙德弘家用菜刀及棍棒將趙姓殺害向來義用團員等平時極形橫暴該地方鮮民時有不安之意請轉飭逮捕等因查韓人千官旭等曾否入籍是否有將趙姓殺害情事當經令據與京縣復稱遵查韓人千官旭即千太雨等傷害趙德弘致死一案已將千官旭並嫌疑崔之成卓麗正二名一併拿獲到縣訊據千官旭供稱向未入中國籍此次因趙德弘向韓僑各戶訛索錢項經我尋向理論不服互相口角被趙德弘用刀扎傷崔之善卓麗範見事不祥遂將趙德弘砍斃致死攜帶兇刀木棒逃逸無踪質之崔之成供稱在逃之崔之善是我族弟向未同居卓麗正供稱卓麗範是我分居胞弟又據同供我們均未入籍其在逃之崔之善卓麗範與千官旭因何事

將趙德弘傷害致死現逃何處均不知情各等語反覆究詰供仍如前惟在逃之崔之善卓麗範既與崔之成卓麗正共族同胞即居嫌疑地位自未便率予輕縱至千官旭等既均未入籍該刑事被告照約應歸日本官署審理應如何引渡請核示遵行等情並奉

省長指令應送由該管領事館收審等因當即令行興京縣查照成案將正兇千官旭一名先行派警押解撫順日警支署轉交駐奉總領事館收訊其崔之成卓麗正二名涉及嫌疑應即提案研訊明確再行呈候核辦至在逃之崔之善卓麗範等亦應飭警嚴緝務獲並函達日領查照在案嗣據該縣復以已將千官旭解交撫順日警支署轉送駐奉日總領事收審並復訊嫌疑犯崔之成等二名實無知情共謀行爲自無罪刑之可言惟案關交涉可否保釋等情呈請核示前來查

崔之成等既據該縣訊明並無知情共謀行爲應准取保暫行省釋一面迅將在逃之崔之善等嚴緝務獲當於本年七月二十五日令行該縣遵照辦理矣

佟柏林控日人橫川佔地案

八年六月起至十一月止

案據撫順縣民人佟柏林呈稱所有坐落撫順縣屬大官屯冊地二百八十餘畝歷年出佃收租毫無糾葛不意今春有日人橫川等突來將地悉數佔據埋設標樁任意掘用氣勢洶洶罔容理論當經呈請縣署嚴重交涉保護迄無正當解決辦法等情據此查該日人無端佔地殊與民生有碍該民既在撫順縣署呈訴自應據理交涉務令該日人將所佔地畝尅日交還並將標樁盡數拔去以維民生當經令據該縣復稱查佟柏林之地坐落在縣屬大官屯等處係在鑛區以內派員赴炭坑庶務課詰問據稱該鑛區內各地無論已買未買輒先釘樁爲計畫起

見由來已久且佟柏林之土地已經其族叔佟茂祥接洽妥協請派員前往丈量等語當由該員會同該鑛庶務課員橫川等前往丈量嗣經佟柏林與該鑛議價不合曾來署聲稱係伊祖遺冊地不分等則每畝非二百元不可該炭坑僅出洋九十四元雖經再三調停雙方堅執均無讓步旋該鑛又擬最優之地價每畝小洋一百一十元其餘分等依次遞改作爲標準等情呈經指令仍由縣派員切實交涉務令從優給價以杜紛爭嗣又令催該縣從速辦結尙未據覆

謨家堡村民修理堤壩案

八年六月起至九月止

案據瀋陽縣知事呈據謨家堡居民葉成恩等呈稱民屯在渾河沿岸舊有堤壩一道被水冲壞以致屢受水災現擬就舊有壩基籌款修補爲未雨綢繆之計惟查壩基與南滿鐵道毗連若照舊補修恐日人出而干涉請轉商准其連接鐵道

補修壩口等情繪圖呈請到縣當經令據警察二區區官金寶山查得長堤由謨家堡接至曹仲屯東與南滿鐵道緊相毗連陰雨連綿河水漲發致將舊有長堤冲刷大半此次補修若不與鐵道接連留有空餘壩口將來水由壩口而出爲患更鉅等情呈請轉商前來查該處舊有壩基既係毗連南滿鐵路照舊補修事屬可行當經函准滿鐵公所復稱敝本社並無異議即請查照辦理等因當即令行瀋陽縣知事轉令葉成恩等知照矣

戴榮久控俄人客許借款不償案

八年六月起至八月止

據商人戴榮久呈稱俄國人客許指來馬戲八匹借洋一千一百元有湯海波唐璧輝等作保言明每天交洋一百一十元十日付完不意屢經催討僅給洋三百元下欠八百元一再託故搪塞終未償還請查核交涉等情當向俄領交涉而俄

領謂按照館章不准僑商開演馬戲戴之押款應自向清理等語查客許現已赴營戴榮久亦跟覓面索當又電致營口交涉員飭警查傳訊追在案旋准函復戴榮久控追俄人欠款一案當與駐營俄領交涉准該俄人開演馬戲如得價百元還戴榮久十元得二百元則還四十元以期陸續還清詎自開演以來座客無多收入有限僅還洋三十餘元即行停演意欲改往大連戴榮久呈請將其馬匹飭警扣留俄領以非該人所有之物請求釋放交涉結果由俄領飭令該俄人客許當面出立欠據並由俄領簽字證明專函聲明由彼正式通知駐連俄領責令該俄人以每日收入之什一呈繳連署至還清爲止等語查該商戴榮久借與該俄人之款當日既無中保又無字據祇圖貪利放貸手續本有未合此次來營追索雖未全數歸還但由本署交涉由該俄人出立欠據經俄領簽字證明轉移駐連

俄領辦理責令呈繳是該商債款亦即不患無着等因當即傳令戴榮久前往大連俄領署接洽守取矣

韓人金成贊被李炳奎等加害案

八年六月起九月止

准日本駐奉總領事函稱據現住興京朝鮮人金成贊申訴李炳奎等勒捐款項拘捕毆打一案當飭撫順警察支署調查屬實請速電令該管官憲將加害者李炳奎等三名迅予逮捕引渡等因並附申訴狀到署查原申訴狀所稱各節是否屬實當經令據興京憲復稱遵即飭警查詢據被告李種薰供稱於今春借使金成贊小洋一百九十五元以二分行息立有借據可證並無脅迫情事實之李炳奎李元基等則稱本年春間有金喆培等令金成贊等來往送信因積壓信件被韓僑全體責懲後經金喆培將伊傳帶蘇伙洛屬實並無行毆逮捕捐錢等情事

至所稱將其家族拘打各情尤屬虛誣復詢據金成贊聲稱當時有蘇伙洛韓人及李炳奎等向身等各家捐款僅湊小洋一百九十五元交付李種薰手後因此款未交李種薰即照二分行息寫立借字屬實至避居千金寨實由伊等脅迫毆辱所致各等語復請核辦前來查金成贊原控李炳奎及李種薰李元基等勒捐款項拘引毆打各情既據興京縣查明與事實不符自應免予置議當即函復日領查照並以僑居韓人屢次滋生事端殊於地方治安多有妨碍各節指令該縣飭警嚴加取締切實防範在案旋准日領復稱興京縣報告雖屬事實惟李炳奎等原係排日鮮人在該地組織扶民團有壓迫親日鮮人之行動如仍庇護不肯引渡該知事即有幫助該鮮人等獨立運動之嫌疑等語查李炳奎等有無組織扶民團暨壓迫親日鮮人情事復經令行該縣查辦尙未具復

安福臣等栽種甜菜南滿製糖會社不認賠償案

八年六月起至九月止

案據瀋陽縣署李相屯民人安福臣等呈稱民國七年春間南滿洲製糖株式會社派人來村分布廣告及賠償章程勸種甜菜民等均已承種及至秋後收穫無多損失甚鉅屢次要求糖廠照程賠償而糖廠非但不允轉令民等補償各款按照章程實有不合開具清單請鑒核交涉務令糖廠照章賠償以昭信用等情據此當經抄單函准日領復稱該會社對於彼等不惟毫無賠償之理由且有向彼等要求返還過額之貸款等因並附抄理由書到署當將該書抄給安福臣等閱看旋據呈稱該會社之理由書內稱廣告原定每十畝收穫甜菜如未滿四十八元之價格時許爲補助等語已足證明民等所控屬實至伊之契約雖有取銷賠償之規定但未通知各本人民等既未有承認之聲明書亦未認可畫押且該委

員等均無可指其出於捏押從可想見又清單並無不實其有誤名者或因音有未合字有錯寫至指畝數不足土地不良及交換等語益足徵其抵賴原先經伊等親驗畝數寫給證書豈有不足之理窪薄之地均被剔出何至不良且種地俱照原段交換何來再該會社所稱栽培之法不良語尤矛盾查民等試種甜菜盡照伊發之簡章及該社人員指揮行之若稱不良係屬咎由自取於人何尤以上種種該會社純係抵賴絕難容認等情查該民所稱各節理由頗爲正當當經派員迭與該糖廠交涉尙未解決

成泰洋行運生菜油專照稅局不與蓋戳案

八年六月起同月止

准駐奉美總領事函稱英商成泰洋行由外洋購買英國物貨生菜油二件洋鹽十件麥皮一件於進口時在大連關完納正稅領有免重徵專照及運到奉照章

赴稅局呈驗不予蓋戳留難索稅實屬有碍英貨銷售且專照四個月期滿倘稅局留難逾期受罰該行不任其咎請轉飭蓋戳發還以符定章等因並附專照一紙到署查單開貨物內有鹽飭照約不准進口既經大連關發給專照自應照章辦理惟該行所運者是否洋鹽抑另有專章此間稅局因有鹽飭在內不允蓋戳當經電准大連關稅務司復以外國家用紫瓶或裝壺白鹽分量無多前奉總稅務司通令准其運入各海關早經一律照辦敝關亦係遵令辦理且此鹽又經由上海運至本埠轉運赴奉似無不合等語查外國家用白鹽既有章程准其輸入自應與其他貨物一律辦理當即函請財政廳轉行稅捐局蓋戳在案旋准轉據省城稅捐局聲稱此項專照運到各貨因其列有鹽飭故未即予蓋戳並無留難之事現已將專照照章蓋戳等情函請轉送前來當將該照函送英領轉給該行

收執矣

嚴禁人民以王公莊地押借外債案

八年七月起至九月止

案據鐵嶺縣知事呈稱奉省各縣王公莊地原係荒產招佃承墾闢成熟地當時領費無多而墾費不少相沿至今雖名爲莊地而墾戶皆視爲己產雖不准買賣而民間恒有輾轉典當情事不曰地價而曰牛力人工每畝需價直與普通地值不相軒輊前經清丈局派員分赴各縣從事清丈而王公希圖重價並不請局丈放率皆任令經理人逕向佃戶處理需索一有不遂往往暗借外債滋生輾轉迨至清理勢必將地丈放輕則按照局章量地納價重則統照債額按地攤欸即如延公府地以外債關係所有應收地價盡還債款現在增公府地與五太王府地已經清丈局派員丈放而民戶迭次聚抗相持不下誠恐王公府經理人不識大

體再有押借外債情事自非預請設法嚴禁不足以杜交涉等情請核辦前來查該知事所稱各節係屬實情當經函達日領通知僑奉商民遇有以奉省各縣王公莊地地契等項要求押借借款情事毋得濫予收受以杜糾葛嗣准日領復稱王公莊地係屬如何性質其所在地點面積及地照之形式地租之負擔方法並奉省對於此種土地之清理方針等均不甚明瞭茲爲取締上有欲知底細之必要請詳示一切等因當即轉准官地清丈局按照日領函詢各節逐項查明函復日領查照在案旋准復以奉省各縣王公莊地不惟其數甚多且其面積廣大並其位置散在民地之間在敵國人民頗難區別即使王公莊地由其地上權者在該地域內以地上權擔保借款或受其權利之讓渡似無不合來函聲明實有阻害敵國人民之商租權碍難承認等語查奉省界內王公莊地各縣所在多有向

係招佃墾種不准買賣典押近因王府式微佃戶往往捏稱已產私押盜賣以致屢釀訟端奉省當局爲祛除積弊起見故令清丈局丈放統歸原丁佃承領在未放領以前其所有權不能完全屬於王公亦不能屬於丁佃從前清丈局派員分往各處丈放時常有無知之王公後裔希圖重價暗行違抗任令經理人逕向佃戶處理需索稍有不遂即以土地押借外債而日本僑奉商民又不知該土地所有權之誰屬一經濫予收受遂致糾葛橫生此等案件發生已有數起若非設法取締實與中外商民均不便復經函達日領查照嚴重取締以杜糾葛尙未准復

日人在十里碼頭商埠界內埋立標樁案

八年七月起同月終止

案准商埠局函稱據埠界十里碼頭方長報告近見該處商埠界內釘有木樁三

個編有號數當飭局員查復委係日本電燈廠釘立嗣據該廠代表彌永茂太郎聲稱前因測量線路轉託南滿鐵道會社奉天公所函請交涉署許可等語惟測量路線何能擅在埠地界內設立標樁請轉達該會社飭知該廠即將此項木樁拔去以免日久滋生糾葛等因查該電燈廠因測量線路在商埠界內埋立木樁三個事前並未函知本署當即函達南滿公所轉知該廠迅將木樁盡數拔去尙未准復

日警拘捕八里舖村民案

八年七月起至八月止

案據瀋陽縣知事呈稱六月十七日有日探華人李明山帶同日警大田吉太郎至縣屬八里舖村杜春清家聲稱杜春清由西站偷運某公司洋線七捆當將杜春清及其弟綁縛而去由該村村正安祺等報告到縣當經令行警區查明杜春

清素係正人並無不法行爲即使果有竊盜嫌疑亦應提出證據知會我國官署訊辦乃竟擅自拘捕實與約章不合等情當即函達日領迅速飭警將杜春清等二名引渡過署以便訊辦嗣准復稱奉天新市街運輸會社綿絲被竊遂將該嫌疑者帶至本館警察署略加查詢因無確實證據即行釋放並無擅自捕縛之事等語即經令行該縣知照矣

高振廷控日人進滕藉端霸產毆打民婦案

八年七月起同月止

案據梨樹縣民人高振廷呈稱上年陰歷十二月間以所有坐落四平街驛之房屋八十餘間作爲擔保向四平街銀行經理日人進滕押借金票一萬二千元言明按月一分五厘生息一年還本利息分次交付不意因付利息與該銀行經理進滕致起爭論該經理竟將民房強行佔住不付租金並在院內建築房屋及民

婦與之理論又被該行毆打成傷似此強橫公理何在請嚴向日領交涉等情查該民押與四平街銀行房屋究竟若干間所稱分次付息辦法曾否於借券內訂明當經批令詳細聲復再行交涉尙未據覆

南滿會社擬在奉天等站添購用地案

八年六月起至十二月止

案准駐奉日總領事赤塚正助迭次來文以南滿鐵道會社擬在南滿安奉兩線增購民田或將原有車站大事擴充或擬增設停車場或將線路加寬或增設水源用地核其地點計有十處之多請予許可到署查請求收買蘇家屯車站民田時謂係近來決定南滿安奉兩線連絡之關係撫安日站爲變更路線起見四平街車站則稱增加水源用地約經本署令縣行查地戶尙能通融出售隨經擬定限制辦法呈奉

省署令准照辦在案其奉天車站謂因貨物驟增迫於倉庫增築之必要擬購民田三百五十天令經濟陽縣知事傳詢地戶據稱事關生計無論如何斷難承認等情呈奉

省署鑒核並函准日領復稱南滿鐵道會社得以收買鐵道經理必需之土地係本諸中東鐵路公司合同第六款且該會社擬收買其必要之土地並非專欲圖其私利實爲增大鐵道運輸之便利以資貴我兩國共同經濟之發展在貴國方面想亦樂從應請特加考慮予以同意等語正在核辦間又准日領以會社擬在開原中固間虹牛哨四平街間孤家子深井子間(南滿線)石橋子姚千戶屯間撫安站李石寨間(安奉線)五處新設簡易停車場又遼陽首山間一處改築榮庄子河鐵橋工程有改換河身之必要均應收購附近民田以便應用等因函請

查照允許前來查近年來該鐵道輸運貨物日臻發達固係實情故對於蘇家屯撫安等站業經呈請核示准其照購今乃以增設車站爲理由一再請求有加無已迨經本署備文駁復則又藉口東清合同第六款謂因係鐵路必要之需殊不知此項條文係指當時築路而言該路建築計已十餘年應否准其援用尙須詳加研究至安奉路線當改築寬軌時即將設站地點與需用畝數經雙方派員勘擇決定祇有奉天站日後再行商定之明文此外不得增購用地原係當然之解釋今該會社竟將南滿安奉併爲一談任意請購民地若不加以限制深恐該兩路附近膏腴之田地將被收買殆盡實屬有碍民生且附近各站居民因該會社購地事前會上書省議會請求禁阻奉令提出交涉有案惟該公所計劃已定僅與日領磋商似難望其取銷而環視吾民又以田地爲生活之要需多不願售與

外人似亦未便抑制當經彙呈

省署咨

部核定准駁辦法示遵在案旋奉

省署令准

外交部咨稱查南滿會社在奉增購車站用地計有十餘處之多任意請購迹近強取硬買斷難承認至東清原合同第六款之規定係指開築時言現在未便准其援用應即照約駁拒以維民業等因轉行到署遵即照復日領轉行該會社知照嗣准日領來文又有海城縣屬之他山分水間大石橋青花峪鐵嶺至平頂堡三處請求准購民地又奉

省署發下南滿公所長鏢田彌助函附清單內載梨樹縣之郭家店間懷德縣之

公主嶺劉房子間兩處亦請增購鐵路用地並據開原縣海城縣知事先後呈報鐵路地方事務所日員竟於測量完畢以後即向民戶私購田畝經縣派員查禁則稱已在奉天交涉妥協並令工人自由動工不服阻止均經具函駁復日領並請查禁自由動之人而日領仍以東清鐵路合同第六款之規定於鐵路建築後亦應適用爲言查南滿會社擬在南滿安奉兩路沿線收買鉅數民田不免於民生有碍在本署固可力爲駁拒惟察其舉動勢在必行且解釋約義似亦不無理由並淮南滿公所長函述購地之用途並聲明廢除路線騰出之地可由人民估價收回名雖增購實同互換實屬無碍民生且稱有四處擬先著手工作事關重要不厭慎詳復經呈請

省署咨

部檢查前案核辦示遵未奉令知又據瀋陽縣呈稱孤家子站與深井子站中間有潘文生地一段於本年八月二十六日被滿鐵會社日人住吉平治帶領苦工將地內高粱全行割倒計東西六十弓據該日人聲稱擬設一小站並添修道岔故先割高粱等情轉請鑒核交涉前來復查此案既經彙呈

省署轉咨

外交部核辦在案乃該會社員不俟我方承允竟將潘文生地內高粱全行割毀殊欠允當即經函准南滿公所復稱撫順縣孤家子深井子兩站間之簡易停車場今夏做社變更預定計劃之結果並無收買該地方民地之必要至用地以外之動工全已中止並無如來示所開之事實請再爲調查等因當即令行瀋陽縣詳細調查去後尙未據覆

韓人經營公太堡稻田需水日領要求修理水溝案八年七月起至八月止

准駐奉日總領事函稱新民縣屬公太堡一帶從事耕作鮮人因該方面無水供給致將約一千四百天地之稻田有陷於枯死之狀態請由南陳家荒方面放水救濟並將渾河水口迅予修理完竣知照水利局派員會同實行辦理等因當即函准水利局復稱查日領函稱各節均屬實情但雖早見及此奈以屢經宣布局章令種水稻各戶先期來局報明所種畝數坐落以便核定可否供給用水而該韓人等乃竟不顧局章多租高地並不先行報明強自橫河築壩截流爭水致啓糾紛如丁香屯南陳家荒小民屯吳聖國等所種高地皆然敝局以營業爲宗旨實難過於限制現已將渾河水口修理完竣並派員前往南陳家荒小民屯一帶會同該處日警將河道攔水各壩一律除去該處韓人尙知水利均沾事屬公益

當將河水灌入公太堡一帶水田所有種稻韓人均各非常欣幸刻下河水甚旺以後當無缺乏之虞惟各處攔水堤壩雖經取銷第恐該韓人等朝毀暮築仍難收水利均沾之效請轉知日領飭令各該處日警隨時嚴加取締以維水利等因當即函復日領查照辦理矣

中日軍隊在長春衝突案

八年七月起至十一月止

案准吉林長春交涉員函稱本月十九日暫駐長春二道溝陸軍第三旅步兵第一團兵隊與該處日本守備隊衝突抄錄報告各件函送查閱藉知真相以備參考等因當查報告內載各節其衝突原因係孟團長所率之軍隊在二道溝東端俄操場曠地紮有幕營該地與頭道溝日之鐵道用地接近八年七月十九日下午一鐘該處雜市地方有中國兵士二三人毆一日本人受有微傷報訴日守備隊

該隊林大隊長立派隅田中尉等率隊數十名自由持械侵入幕營範圍勢甚洶
洶幕營華兵因而生有誤會彼此口角開槍互擊該團第三營長及第一營長戰
福趕出阻止無效遂致互有死傷該日中尉等復率隊入日本料理店內藏身射
擊幕營華兵益形危險嗣經中日兩國官憲嚴令禁阻始行停擊當經檢查日兵
共死去十六名傷十八名隅田中尉尸體耳目被割頭部被刺是否係於死後被
人凌辱殊難斷定華兵死者十四名受傷者約十數人檢查後華軍均東退惟日
軍方面於十九日午後五時由公主嶺調來步兵四十名機關槍一架二十日又
到日兵約一大隊二十一日又到一大隊日軍驟增謠言紛起人心益形不安二
十日第一師高師長會晤森田日領議定暫時維持治安辦法六條(一)駐二道
溝巡警於七月二十日全部撤退(二)第一步先令南嶺砲兵退離附屬地三十

華里以外(二)第二步限於步兵及騎兵並以從來屬於裴中將部下者爲限殘留二百五十名分佈城內城外其他駐紮附屬地周圍軍隊統令退離附屬地三十里外但除去南嶺步兵四營輜重兵一營此項軍隊中國方面以責任嚴重取締(四)南嶺砲兵之退去應即時辦理至七月二十一日退訖其他駐紮附屬地周圍軍隊之退去其大部分至七月二十二日爲限殘餘部分至七月二十四日退訖(五)此後若有軍隊擬進入離附屬地三十華里以內時應向駐長春日本領事館通知得其承認(六)此時所有華兵一切不准出入附屬地內 但有日本領事許可書者不在此限

由高師長會商陶道尹電請核准業經暫行照議辦理該處遂獲平靜嗣經駐京日使提出解決條件六條向外交部直接交涉條件列下

外交部奉天特派員張巡閱使
一 中國政府應抄錄七月二十二日

大總統命令全文通報北京日本公使館並表明對於日本政府抱歉之意

二 張巡閱使及鮑督軍應遵

大總統命令迅速查辦本案應負責任之人張巡閱使並須從速將查辦結果通知奉天總領事館求其承認同時張巡閱使須親至奉天日本總領事館表明陳謝之意

三 暴行時直接指揮中國兵之將校及幫助暴行之下士卒與寔行凌辱行爲之人均須嚴重處罰並須將處罰之結果通報吉林日本總領事求其承認

四 協助軍隊爲暴行之巡警兵須加處罰其直屬指揮者亦須處分

吉林全省警察當局者對於部下全體須發一通諭嚴重戒飭其部下使以後

不得再有如斯暴行

五中國官憲須講求最有效力之方法整飭東三省中國軍隊之規律使將來對於日本官民及軍隊不致再有如斯暴行並須將所議定方法由張巡閱使通報奉天日本總領事

六南滿鐵道公所長春驛驛夫受傷一案所有處罰加害者及補給被害者醫藥費等事應由長春日本領事與中國官憲另行商議

當經外交部提交國務會議除第一條由中央直接日使辦理其餘各條由部電請東三省巡閱使辦理當經

巡閱使召集行政會議決定提出對案諭令代表與駐奉日總領事磋商辦理對案如下

一已由外交部承允在京與駐京日本公使商辦

二此案應負責任之人已經張巡閱使及鮑督軍遵令查辦可由張巡閱使將查辦結果通知日本奉天總領事

三暴行時直接指揮中國兵之將校即根據日本方面之報告亦云並無其事當然無庸置議至幫助暴行之下士卒及寔行凌辱行爲之人均亦無從查考原案本項無從核辦應繳銷

四巡警協助事寔上并無確據原案本項與事寔不符應繳銷

五中國軍隊當然加意整飭免致再生衝突但日本官憲亦應以最有効力方法嚴飭駐滿洲軍隊嗣後無論有何事件發生均應經由領事官照約交涉辦理不得持械越境自由行動致起意外

六山吉長道尹與長春領事商酌辦理

當於九月二十六日攜帶對案往晤日總領事談判九月二十七日總領事館吉原譯官來署開第二次談判九月二十七日吉原譯官來署開第三次談判均經竭力抗爭幾至決裂(二次均有談判紀錄繁不備載)嗣復設法轉圜經非正式會見四次遂獲最後解決最後解決辦法如下

一已在中央辦結

二案內應負責任之人張巡閱使會同鮑督軍遵令查辦之結果適知駐奉日總領事查照

三直接指揮之軍官及加擔之士兵并寔行凌辱之人候查明分別嚴辦

四當時保護不充分之巡警其直接官長加以申飭并著戒其將來

五張巡閱使通令三省軍隊嚴重取締對於日本官民暨軍隊不得再加暴行

六歸長春辦

附項

張巡閱使以書信表示遺憾並悼惜遺族之意

另項

張巡閱使另行提出公文希望日本官憲戒飭在滿洲軍隊遇有事件應經由領事館照約辦理不得率隊持械直接交涉致生枝節日總領事答復同意

一面並將高師長與森田日領在長春所定之暫時維持治安辦法六條完全撤銷案遂了結

日人三神道五郎毆辱華婦王汪氏案

八年七月起至十一月止

案准省會警察廳函據民婦王汪氏呈稱氏夫王毓亨憑中說合租安日箇三神道五郎坐落十間房地址一段南北長日本尺六百三十尺東西寬十五尺崙爲行走道路之用言明每年租價金票三十五元訂有租契爲證歷年租價並未拖欠不料該日人收到氏夫三年地租自氏夫回山東原籍後僅給二年收據且屢次強迫漲租氏因租價太大不願再租已由他處地址行走該日人因漲租未遂竟帶領日本陸軍三名將氏傳到日本憲兵營毆辱不堪後經第六警察署將氏要回該日人仍不甘心似此憑錢租地反被擾害殊非情理之平請保護等情到廳查該日人三神道五郎因地租細故竟至串同憲兵將該民婦帶營毆辱實屬恃勢欺凌等因函請交涉前來查該日人串同憲兵毆辱華婦殊屬非是當經函達日領對於三神道五郎之不行爲加以相當處分並轉知該營約束憲兵嗣

後不得再有此等無理舉動嗣准覆據三神道五郎供稱由陸軍借入土地之一部分在十間房租與王毓亭充道路使用係屬事實嗣因陸軍禁止該土地爲道路不許大車通行故即與王毓亭取銷契約同時折壞道路圍上欄杆並由陸軍省樹立禁止交通之標幟於該地並無收有三年租價及要求增加租價等情事嗣經陸軍糧食員來至該處實地查驗適王毓亭之使用人牽大車將欲由該地通過故爲阻止乃彼等竟以暴言對待並不停蹄聲稱此地業已租用嗣經警察官吏將該氏等帶往派出所研訊始稱三神道五郎向伊要地租五十元無錢照給竟被毆打等語嗣經查明均非事實王毓亭之妻始知非理謝罪而去等情查王汪氏所呈均與事實不符請判斷曲直對於王汪氏等之不合行爲妥加諭告等因當經函覆警廳查照矣

日人小原等滋擾鄉民案 八年七月起至八月止

案據瀋陽縣知事呈據東民屯住戶王悅廷呈稱本年二月間有同屯人高德新向民租地民未許可因此挾忿與民不睦嗣將租得朱姓之地轉租韓人李相俊種稻該韓人即在該地靠東處修壩一道以阻渾河之水旋因大雨將壩冲毀高德新竟告知韓人謂該壩係民扒開該韓人即報告日本稽查偕同高德新並韓人數名同到民屯肆行攪擾並要求賄洋千元方能無事等情當即傳訊高德新供稱韓人地旁土壩實係被水冲開並非王悅廷所毀而日人小原及韓人李相俊等逼民同往王悅廷家勒令包賠出於無可奈何等語查該壩既係被水冲開自與王悅廷毫不相干今日日人小原等不求事之真相僅憑一面之辭遽向王悅廷勒索賠款並恣意攪擾實非事理之平請向日領交涉轉飭該日人等勿再前

往滋擾以免釀成事端等情據此查該韓人地旁土壩既係被水冲毀何得向無干之王悅廷强索賠款並肆行攪擾殊屬不合當即轉准日領復稱當令警察官調查謂該防水土壩委係王悅廷故意破壞並非降雨自然崩塌至朝鮮人等對於王悅廷亦無要求賠洋一千元及攪擾之事實等語隨即令行瀋陽縣轉飭王悅廷知照矣

王繼卿礦區與日本煙台礦區糾葛案

八年八月起至十二月止

案准奉天財政廳函據遼陽縣知事呈稱王繼卿報領灰窰村崔家溝等處粘土礦與煙台日人煤礦區域糾葛一案曾經派員會同日本煤礦事務所主任奧澤眼同按圖查勘該粘土礦似在日本煤礦區界限之內但該煤礦係前交涉司劃定界址究竟該日人所持之圖是否原劃界之圖能否認爲有效懸署無案可稽

請轉咨查案示遵等情檢同礦圖函請查辦前來查煙台煤礦區域曾經前交涉司派員會同滿鐵會社勘定界線繪具礦圖並於圖內註明東西礦界以原有龍票弓尺之數爲定此次王繼卿報領之粘土礦地點是否在該煤礦區域以內似應飭縣按照原繪礦圖實地查勘較爲覈實當經抄錄界單照繪礦圖函復財政廳核辦在案未准函復即由實業廳接辦礦務旋准實業廳函據遼陽縣復稱遵派委員胡德魁譯員張玉崙往鑛子溝會同日本煤礦事務所副主任山口按照上發煙台煤礦原圖查勘王繼卿所報之礦究在日礦邊界內外該日人見我所持之圖與彼圖不符不敢往勘遂云劃分邊界須向南滿公所交涉方能表決查此案該日人既以南滿交涉爲藉口不欲會勘顯係情虛飾詞且有前交涉司劃界原圖可以證明似未便任其狡輾請鑒核等情查該縣呈稱各節均屬實情

外務部奉天交涉使署函件
既有原圖可以證明自應與南滿公所直接交涉以期劃分界限請查照辦理等
因並附圖二紙到署查王繼卿所報之粘土礦區域均在龍票弓尺之外業經由
縣一再查勘與煙台礦界無涉煤礦事務所主任謂其侵碍煙台礦界有何憑證
當經函准南滿鐵道公所復稱茲爲參考製作貴來函所請之關係圖請將王繼
卿呈報之礦區迅予繪就礦圖一紙送下等因當即檢具王繼卿報領該礦之區
域圖函復南滿公所查照矣

日商寶榮公司與連辛泉債務訴訟案

八年八月起同月止

案據撫順縣知事呈稱受理日商寶榮公司與連辛泉等因錢債涉訟一案早經
據證判由連辛泉償還寶榮公司本利小洋二千七百零七元惟債務人連辛泉
實係赤貧無力還債當由債權人寶榮公司提出連辛泉原押之前清車公墳地

地照一紙請求拍賣抵欠等情查與執行章程尙合不意突有該地佃戶關玉凱等多名出爲阻攔聲稱該地已經車公後人瑞海賣歸伊等所有並將原立無領白契七紙呈驗查該債務人既係赤貧抵押品又有重大糾葛而債權人復以權利關係迭請拍賣且稱不日即帶人前赴地所樹立標椿等語相要挾嗣經一再開導始未見諸實行請迅予交涉以期圓滿解決等情查此項地畝所有權究屬何人連辛泉向寶榮公司借款係何人作保當經指令查傳一千人證集訊明確再行呈候交涉

隋忠義控日人何野堅抗炭價案

八年八月起同月止

據蓋平縣民人隋忠義呈稱民在本溪縣界捨剎溝地方開設炭窯一座有日商何野執事人蘆惠亭訂買木炭十萬斤價洋一千元立有合同爲證不意將炭送

齊而炭價祇付五百五十元下餘堅抗不償並捏造買炭十五萬斤之合同在本溪縣署呈控傳民到案呈驗原立合同並由代字中人作證方准保釋由此不傳不訊案懸至今屢次呈催仍置不理等情查該民所稱各節究係如何實情當令本溪縣查明案情辦結具報矣

南滿鐵道會社征收華商車捐案

八年八月起至十月止

案准奉天商務總會函稱南滿車站定於八月分起向往來站內各車夫按月徵收公費日金一元車戶貧困無力擔負業已全體停運公舉代表來會呈請非將捐款照舊免除不能開車等情請交涉前來查前清光緒三十三年八月間南滿車站即擬徵收車捐當與日領交涉議定在鐵道行政權問題未解決以前應行免徵曾經日領承認有案故各項車輛運貨往來南滿站內十數年至今並無徵

收月捐之事今地方事務所事前並未會商率行布告收捐以致車夫相率罷工殊與前議不符且捐額甚鉅各車夫無力繳付亦屬實情現在鐵道行政權問題尙未解決在滿鐵會社果以站內各馬路由其自行建築爲理由可否由使用該路車夫分擔公費並其分擔之力量如何均非協商辦理難免隔閡當經函達日領令行地方事務所在辦法未核定以前不得向車夫索取公費在案旋據該館譯官後藤來署面稱征收車捐一事業經總領事告知地方事務所暫緩徵收並與大連總會社接洽如何辦理再行協商云云當即分函商務會警務處勸導各車夫先行開車運貨靜候交涉嗣准商務會函稱據車行代表李恩遠等呈報九月一號突有日人二名向車戶攔車勒令照前規定納捐否則不容進站並聲明自九月一號起至五號止違者加罰而衆車戶以爲捐費旣准免除何以復又徵

收其中不知有何變故思維至再毫不明瞭等情復請交涉前來查此案前向日領提出交涉允爲暫緩征收現尙未准何等通知復有攔車索捐情事殊屬不合當又函達南滿鐵道公所傳知該地方事務所即行停止以免另生枝節在案嗣經日領迭次派員來署請求允認均以征收車捐事隸行政範圍鐵路界內行政尙屬未決問題萬難任由彼方征收此項捐款况我國車戶亦實無力擔負等語力加駁正復在南滿鐵道公所會議一次我方主持前說甚爲堅決而彼方竟以長春等處此項車捐早已實行奉站事同一律何能獨異且車戶已交捐款者爲數甚多可見車戶並無反抗之意等語資爲口實察其意態勢在必行迭經駁論始由彼方提出由警廳代收彙繳之一種辦法並聞彼方擬在大連購用寬輪馬車以爲抵制我方車戶之計在本署對於此案原不難堅持到底力與抗爭惟彼

方既有種種預備，竊恐我自抗議，彼自進行，其寬輪馬車，如果購成，既能援例免我應征之車捐，復可無形奪我車戶之生計，則警廳失捐，車夫失業之事實，似不能免。此其一。我之車戶向恃馬車爲生活，從前向日站納捐者，既亦有人未經納捐之車戶，原無特別知識，堅定力薄，圖利心重，彼見夫納捐者可享輸運之自由，反抗者終受停滯之痛苦，相持日久，難保不逐漸輸將。是我空有抗爭之名，彼反得收捐之實。此其二。若再進一步，言車戶縱不納捐，豈能終不赴站一至站界，勢必紛紛倒換，演成津滬各埠專管租界之現象。揆諸政體，亦似不宜。此其三。以上三端，均應預籌妥切辦法，藉資抵制。聞駐京使館界內馬路，准我馬車通行，原有由內務部籌給津貼之先例，惟鐵路用地與使館所在地之性質又屬不同，且事關對外，自應研求兩全方法，以便應付各節，呈經

省長交由行政會議籌擬辦法現尙未奉令知

日商三和號假造圖章案

八年八月起至九月止

案准奉天總商會函稱據商號吉順昌恒興源呈稱本月二十日日商三井洋行派人執持日商三和號約束手形二紙內有吉順昌一紙上註扇面洋線八件金額四千零二十元恒興源一紙上註龍頭粗布十件金額三千三百八十元蓋有圖章逕至商號照對惟商號等並未向三和號批買洋線粗布等件及詳查所蓋圖章與商號原有圖章均不相符自係偽造無疑復查三和號係屬日商其主人爲市谷留治郎業在約束手形上簽名蓋章一經澈底根究自能得其真相等情並附約束手形二紙各該號圖章式樣二紙到署查偽造圖章希圖騙財無論中外法律均有治罪專條該吉順昌及恒興源兩商號並未向三和號批購貨物今

三井洋行竟派人執持約束手形前往照對所蓋圖書既據核對明確與各該號原有圖章花紋字樣均不相符自係偽造之物此項約束手形曾經三和號主人市谷留治郎簽名蓋章究係何人偽造一經澈查自不難水落石出當經函准日領復稱該商近患重病現入赤十字病院頗難查明俟其病愈再行調查等語即經函復奉天總商會查照矣

日人加茂川木山郎被搶案

八年九月起至十一月止

案據開原縣電稱日人加茂川木山郎舖內突有匪徒一人入屋強搶煙土票洋等件並擊傷該日人耳部知事聞報立即馳往勘驗並督警四出搜捕拏獲正犯劉景山一名起出原贓煙土二十餘兩票洋十一元一角五分訊據供認強搶不諱等情查該日商舖被劉景山搶去煙土二十餘兩之多其爲收藏販賣違禁物

品已有確據應照約章嚴重取締懲辦俾杜流毒當經函達日領查照對於加茂川木山郎依法究辦以儆將來並令縣復提正犯劉景山研訊擬辦在案嗣據該縣覆稱該日人原呈失單內列被搶煙土一百兩大洋票八百元小洋票六百零五元現大洋四十元日金五元核與現犯所供贓數大相懸殊質之該日人則稱獲案之劉景山確係搶伊正賊認明無誤但所起之贓品數目不符請求追究給領復訊劉景山堅稱祇搶票洋一元七角五分煙土二十餘兩此外並無別物即送案之贓洋內有九元四角係伊自己之錢等語再三究詰堅供如前知事查該犯人劉景山對於個人犯罪行爲全部供認歷歷不諱縱有花用贓欸或私自藏匿情事焉能不盡情吐露察核案情恐係該日人以少報多藉詞捏賴現正派員偵查據理交涉惟該日人收藏煙土不特有原呈失單可證且於本案發生之際

知事親往勘驗查其屋內尙遺有煙膏一兩有餘顯有秘密販賣行爲當將起獲煙土引渡駐開日警請其嚴重懲辦以重煙禁至該匪劉景山膽敢在城內行搶傷害外人實屬愍不畏法且供證確鑿未便久稽顯戮業經依法判處死刑呈奉軍長令准執行槍斃該日人又復偕同日本警官桑村貞良迭次來署面稱本案除行搶煙土之外實被劫去奉票大洋八百元小洋六百零五元日金五元請求照數賠償知事當以正犯劉景山供詞具在碍難憑該日人一面之詞肆意要求遂即據理向其再三辯論始據該警官聲稱原報損失金額一千六七百元之多所起之賊欸僅十一元有零不免過少並稱加茂川木山郎係屬小本營商錙銖匪易此次被賊拒傷後又復警嚇成疾勞甚危殆請求格外體恤酌量賠償各等語知事察核所言尙屬誠懇籌議至再擬將該盜劉景山所遺借貸衣服折變共

湊足小洋一百元作爲追出贓款並擬給撫卹金小洋二百元以示矜恤該警官已允照議完結等情呈請核示前來查外人在我境被搶按照約章祇有緝匪追贓之規定故日領對於被搶各案在省請求賠償或給卹者均經照約駁拒此次議償百元之款名雖由匪犯服物所出實已開賠償之例無論已否交付均應另以別項名義與之妥商改正且該日警僅注重恤金竟置販賣違禁物品於不問殊屬不合應即妥與交涉由彼方迅將該日商藏賣煙土一節重加罰辦以符約章至恤金一節應俟將該日人犯罪行爲處罰後再核當經令據該縣復准開原日警函稱加茂川木三郎煙土犯罪已在鐵嶺領事館處罰拘役二個月猶預期二年並諭令逐出鐵嶺領事館區域內居住等語是彼方對於我國煙禁尙屬熱心協助非僅注重一方面之恤金至議償百元之款本有起獲匪犯原搶贓洋在

內係屬發還贓款與賠償性質不同當將此意向彼方切實說明並將該款送交日警飭領其所出領證亦無賠償字樣等情查日商加茂川木三郎藏賣煙土一節業經駐鐵日領依法懲辦該商當時被賊拒傷之後又復被嚇成疾勢甚危殆醫治甚久始就痊可核其情節亦堪憐憫應否給與撫恤金小洋二百元以示矜恤當經呈奉

省長令未照准已轉令該縣知照矣

日人人見義平太商租吳博臣土地案

八年九月起至十一月止

案據日人人見義平太稟稱瀋陽縣民人吳博臣將自己坐落養豬圈子土地共計二百八十二天租與商人訂結商租契約並經日本官憲證明請知照各佃戶以免誤會等情查此案究係如何實情並曾在縣呈報核准有案當經令據瀋

陽縣復稱派員前往養豬圈子詢據村正副李德謙等聲稱伊屯並無吳博臣其人亦無吳博臣地畝等語呈復到署查原定契約內載明出租人吳博臣居住奉天城裏鐘樓北花店同勢非傳案訊明萬難含糊了結復經令據該縣復稱遵即派差往傳仍無吳博臣其人檢查該管警署戶口冊更無是名無從傳送等情具復前來查此案既據瀋陽縣查明養豬圈子村並無吳博臣地畝亦無其人原訂草契又未報縣核准有案自難認爲有效當即函達日領查照轉飭該日人迅速查找吳博臣逕向清理以免爲所朦混致生糾葛並令瀋陽縣知照矣

日商西宮房次郎借給德茂公府及惠郡王府欸項案

八年九月起至十一月止

案准日總領事函稱做國人西宮房次郎經復縣人顧人敏之介紹對於北京德茂公借給大洋一萬零五百元又借給惠郡王大洋八千一百五十七元係充整

理該王公等所有奉天省興城瀋陽廣寧鐵嶺遼陽蓋平等縣五萬餘畝土地之費用旋由西宮將該債權讓與當地株式會社瀋陽信託公司嗣因德茂公及惠郡王不爲何等之整理亦不爲債務之履行該公司特派入至北京再三要求整理始派代表陳銳存瑞等會同顧人敏及信託公司員往現場着手整理後顧人敏因案被押該地之整理遂即中止請查照迅予辦理等因查德茂公及惠郡王向日商借欠鉅額債款以整理土地爲名核其情節不無私押弊端自非設法取締不足以杜轆轤當經呈請

省長行知內務府嚴重取締並飭該王公等迅將前項債務逕向日商清理了結在案旋奉

省長令准

內務部轉准內務府復稱惠郡王及德茂公並非隸於內務府旗籍業經行知宗人府辦理一面傳知各王公府一律禁止私押地畝以杜弊端等因並抄發宗人府原咨及德茂公售地合同到署查宗人府原文稱此項債務與德茂公無涉自難代爲追償當即函復日領查照轉知該日商逕向原介紹人清理矣

沒收日人白田莠私運紙牌案

八年九月起同月終止

案據日本總領事函稱敝國人白田莠有紙製玩具（紙牌）六捆價值日洋五百四十元裝載大車行至小西邊門被貴國巡警沒收現據宮越署長聲請交涉前來查紙牌本係玩具不得僅以所持之故即斷定構成犯罪且明知爲敝國商人所有之物品而貴國官憲任意沒收此種處分係屬根據何種法規應請說明等因當即函准警察廳以此案於本年三月二十二日據第六警察署將裝運車夫

關寶珍送廳訊據供稱有一日本人僱車云有木箱三個麻袋包一個運往磚城裏並未告知一定地點將車價講妥遂爲拉運因知所運者皆係紙牌恐有不便該日人有他跟着與爾無干及行至小西邊門即被巡警查獲等語正核辦間即有日警一名帶同白田莠到廳索還紙牌本廳以紙牌係違禁物品而白田莠竟以大批向磚城內運送擾害治安既經發現當然依法沒收當將該日人等遣去關保珍依運送違禁物處罰拘留五日一面函請日警署對於白田莠加以相當制裁乃該日警署屢次來函要求將原物送還兼稱如有碍難交回原物之情形請折以相當代償亦可查外人如果係正當營商運送貨物本廳保護之不暇豈能干涉若爲違禁物查獲之後爲公共秩序地方安寧計無論何國當無不予以相當制裁防止危害何以日警署獨不了解此意屢次請求返還且要求折予

代償殊出情理之外本廳沒收此項紙牌係屬一種行政處分本無不合請轉達該官憲認真查懲以維公安等因復經函准日領復稱該物既係敝國人之所有自當送交本館等語而警察廳又以關寶珍搬運之紙牌純係賭具依法當然沒收日領謂爲玩具殊爲無理至搬運行爲係屬幫助賭博依違警罰法第十條第二項之規定應解釋爲違警從犯如係日本人犯罪固應送交日領事罰辦而本案搬運者爲關寶珍人既由我罰辦物則當然由我沒收且封面上均印有奉天新民府獨一處福樂堂老天官等製造之字樣尤足證明純係我國奸商所造決非日本人所有日領事何得據白田莠一面之詞一再索要殊屬不合請查照轉達等因當經面與日領談判迄無來函要求案遂無形結束

撫順日本炭坑強佔姚紹文地畝案八年九月起同月止

案據撫順縣民姚紹文呈稱原有地三段約百餘畝坐落撫順縣屬大官屯村東歷年耕種倚爲生活忽有日本炭坑橫川安太郎恃強硬佔將禾稼割毀建築房屋當即向其理論禁阻而該日人則以鑛區中日向有約章爲藉口查約章所載炭坑用地須雙方協議公平給價方生効力此次該日人佔用民地既不通知官署又未曾經地主許可殊屬違背約章請令撫順縣向該炭坑交涉將地索還或按公平給價等情當即令行撫順縣迅速查明實情據理交涉並批示該民知照矣現在已否辦結尙未據該縣呈覆

孫敬賢盜賣國土案

八年九月起至十月止

案准高等檢察廳咨據安東地方檢察廳轉准安東縣咨稱馬偉甫等以孫敬賢父子盜賣國土等情在省控訴奉

省長批開據呈孫敬賢父子勾串楊少堂等盜賣葦塘等情如果屬實殊堪痛恨仰安東縣知事迅將孫敬賢等嚴密緝獲訊辦實究虛坐倘任逃避即唯該知事是問并將辦理情形具報等因奉此當經密請警察廳派司法科長于錫藩協同原告馬偉甫將孫敬賢父子一併拿獲查盜賣國土干犯刑律特將獲犯等送請訊明法辦等因准此查馬偉甫等三十五戶原狀係爲孫敬賢孫道明私刻三十戶圖章捏造委任狀將國土完全盜賣併霸吞公款八九萬元訊據孫敬賢供稱自光緒年間中日人民在葦塘迭生交涉嗣由興鳳道與日本領事會商請兩國外交部派人勘界至光緒三十四年勘界之員久不見來葦塘三十六戶無法抵抗日人乃請於韓國平安北道歲納保護費二千元立有契約十年得以無事至民國六年冬十年期滿遂往日本東京租妥續約十年歲費五千元故刻用三

十五戶圖章造成委任狀否則不能續約至回國後各戶對其所辦之事已追加承認有書信二十件爲憑又稱馬偉甫林榮春等曾於去年將葦塘一段私行商租於韓人李春應得價一萬九千元有商租合同爲證又將股本私押於日人柴田立吉曾我可哉等四六分利由伊用三萬元贖回有贖回之契約爲證各等語當往孫敬賢家中搜出日人發給之誓約書及商租合同抵押股本契約並其私刻之圖章及其他一切信件到廳質之馬偉甫等均稱不知查傳韓人李春應到廳供稱馬偉甫等曾息借一萬數千元至商租葦塘有此空言無有實事等語是孫敬賢所稱馬偉甫等私行商租一節已爲無據至抵押股本契約上有平壤地方法院義州出張所印章當往韓國新義州平壤地方分院調查晤其判事檢事長據稱此印章係依於日本民法施行法第四條第六條爲證書之確定日附僅

證明證書作成之日可對抗第三人而於其證書真偽及請求者之是否本人毫不調查此證書若在訴訟中查明偽造仍能判決無效等語又託其志水檢事長詳查請求登記者爲何人據覆函爲日人曾我可哉是孫敬賢所稱馬偉甫等抵押股本一節又無可憑而以三萬元從日人松岡大久保贖回之事顯有詐欺當其被捕之初日人大久保芳三郎又名姚範臣者自稱同德葦塘顧問來廳滋鬧極力排解始肯退去厥後來廳又復刁狡無賴黨同孫敬賢攻擊馬偉甫等其平日之爲孫敬賢藉勢欺壓股東吞欸分肥概可想見又從其家中搜出賬簿四本因辦續約用去數萬元有送平安北道一萬元楊劉作衣服數百元及日本東京朝鮮王京謝儀等欸用途離奇顯有浮冒而各股東追認之信二十件全無郵票顯係偽造總以上諸端其私造文書圖樣冒充經理代表盜賣國土藉吞公欸均

可證明更查東邊道尹公署舊卷該葦塘爲地一萬八千餘畝自前清同治年間有中國人姜通雲在該處栽種葦草營業自光緒十六年以來有王壽山蔡泉山等三十六戶呈報領照升科是處即名爲同德葦塘韓人稱爲黃草坪其西南角有韓人塘一段至光緒二十七八年間中韓兩國之民屢起爭端三十年後由興鳳道與駐安日本領事屢次交涉請我國外部與日本外部派員勘界乃事未及行日韓人積極侵擾於光緒三十四年有該塘戶三十六家合名請於駐安日領事及韓國平安北道新義州理事廳歲納捐稅二千元以求保護同立字據期爲十年孫敬賢與原告人馬偉甫等之先人皆爲當時辦事之人是爲喪失領土之第一期宣統年間屢次交涉勘界事未及行至民國元年以來該塘無有爭執事亦遂寢至民國六年該約十年之期已滿孫敬賢乃勾串其婿楊少堂及劉理中

往日本續約十年是爲喪失領土之第二期總前後差異之點觀之前期之約爲塘戶與日本領事共同訂立之字據後期爲韓國平安北道長官發給之誓約書前期爲歲納捐稅二千元請求彈壓後期爲歲納貸付金五千元請求允可前期云中韓之民若有爭奪由清日官長管理究辦該塘尙爲中國所有後期則爲由日本貸付且因於必要即可收回衆塘戶等一失於前孫敬賢父子更斷送於後趨附外人喪失領土殊甚痛恨然此爲私人之事中國政府及地方長官並未承認實爲交涉未了之案非法應權力所能及應繼續光緒宣統年間兩國勘界之約重行交涉爭回領土是爲本案先決問題再將孫敬賢父子處以相當之罪取錄各造供詞並一切證據送請轉呈

省長鑒核施行等情據此查此項葦塘孫敬賢等既未呈明地方長官核准立案

竟與外人私立契約喪失領土罪無可道咨請交涉前來查同德葦塘一案曾經前興鳳道與駐安日領交涉有案當時交涉情形若何本署無案可稽當即咨行安東交涉員查案就近交涉現未准覆

成祥店控韓人權重洛不付糧價案

八年九月起至十一月止

案准總商會函據小北關成祥店執事人王堯階呈稱本年八月二十五日有現住本城西塔大街永昌旅館之朝鮮人權重洛由商號成祥店訂買小米二車其一係一百五十石每斗價洋奉票二元六角五分核洋三千九百七十五元當交定金金票一千元隨市售得奉票九百三十八元其一亦係一百五十石每斗價洋奉票二元八角核洋四千二百元當交定金金票一千元隨市售得奉票九百三十八元兩項統計除收下欠洋六千二百九十九元約定於八月二十六日至

順城棧過斗起讞還清欠款當時開給紅飛二紙交伊收執并在商號帳簿註明乃權重洛以糧價漸落延不交欸起讞致令商號損失頗鉅懇轉請交涉署照會日領飭令權重洛迅速交款起讞以保信用而維商業等情據情函請核辦前來查朝鮮人權重洛在成祥店買妥小米三百石當時曾交定洋金票二千元並由該糧店開給紅飛二紙爲據自應按照約定日期交款起讞以保信用乃權重洛迄未照約履行以致該糧店損失頗鉅當經函達日領查照轉飭權重洛迅速照約履行在案嗣准覆稱當即傳詢權重洛據稱當訂立買米契約言明三百石之內一百五十石每石照二十二元六角五分其餘一百五十石照二十二元八角當交定洋二千元餘洋約二三日內交價換貨至期成祥店竟主張前一百五十石每斗二元八角五分其餘一百五十石每斗二元八角並否認前約故意使經

過時日買主恐招莫大損失遂託人調和結局每斗照二元四角收買三百石不料該店復翻前言每斗二元四角主張係六百石之買賣契約不能僅交三百石故意加損害於買主該店已無出賣之誠意難望解決業在當地審判廳提起訴訟現正在審理中等語即經轉准商會覆據成祥店呈稱竊查權重洛呈稱各節一則曰訂立約言再則曰否認契約查閱商號所開紅飛不難明瞭且訂立買賣之初買主既交定款賣主必給紅飛決無異議茲權重洛既云翻異前言伊何不將紅飛提出證明原約况伊在法廳起訴時既云丢失復稱改毀其隱匿狡賴之情已顯然畢露但審理之際已先將商號之帳目查明毫無疑義始擬照每斗二元七角作價以期處理奈伊仍否認致無理被駁依法却下今伊尙稱在審理中顯見稽延誦詐故隱紅飛等情仍請查照轉函日領飭令該韓人交出紅飛以資

解決等因查此案業經法廳依法却是該韓人理由欠缺已可想見惟雙方爭執之點不外價格高低原立紅飛既將價格載明自應由該韓人提出證明以資解決如仍隱匿不肯交出即認爲無履行原約之誠意應由成祥店按照商業習慣將前項糧石另行出賣俾免損失復經轉准日領以權重洛現犯炸彈案之嫌疑關係押送朝鮮總督府收監並不在奉成祥店開給之紅飛業已遺失不能提出嗣經華人李順民調停每石以二十四元購買業已和息請查照轉飭成祥店務以誠意解決等因函經轉准商會復稱奉省買賣糧石習慣均以斗數爲標準從無以石數論價之說且紅飛及帳簿爲最有力之證據究竟權重洛是否將紅飛遺失雖不可知而該店帳簿俱在不難查明請轉行日領查明真相等因查來函所稱各節理由尙屬正當隨即函達日領轉飭權重洛迅速履行原終尙未准

復

查獲義人販賣煙土案

八年九月起同月止

准奉天戰時警備司令處函開據軍署稽查處長報稱職處偵探高耀廷邵春等報稱偵查日站大和旅館住有義大利國人販帶煙土若干稽查等遂會同車站警務稽查傅奎五跟至黃姑屯車站將該犯拿獲並起獲煙土六包現大洋六十五元及皮箱等物一併送由該處轉解前來當邀同貴署徐科長到處詳細譯訊據該犯供稱係義大利國人名歐前拉因在哈爾濱聽說販賣煙土必得厚利遂買得煙土六包重二十一磅由哈爾濱乘火車來奉意欲赴上海去賣不意行至奉天皇姑屯站即被拿獲等情不諱查煙土一項係各國例禁之品該犯既供認販賣煙土自未便輕予寬縱並將該犯送請轉解懲辦前來查義大利國人歐前

外交部奉大交滙署交涉實要
拉販運鴉片煙土既經查獲有據並經取有該犯簽字親供是確係不法行爲自
應查照中義條約第九款送交該國領事辦理惟查奉天向無義大利領事亦無
代辦機關當將該犯一名連同原送簽字親供及未受虐待切結等件派委本署
科長徐思明偕同警察解送直隸交涉署轉交駐津義大利領事館照約按法懲
治以重厲禁現在如何懲辦尙未接有復文

日人勝弘貞次郎與趙孫氏債務涉訟案

八年九月起至十一月止

案准日領函稱敝國人勝弘貞次郎對貴國人趙孫氏以本城小西關羅家澡塘
之房屋作抵借與日洋二千七百元月利二分至屆交還期限再三催討仍不履
行當經勝弘在地方審判廳提起訴訟經廳判令償還原本全額及利息金票二
百一十六元而趙孫氏聲明不服上告於高等審判廳謂趙孫氏所訴爲無理由

駁回在案惟趙孫氏毫無償還債務之誠意對於兩次判決仍不遵從復行上訴於大理院徒自遷延時日再此案業已經過上訴期間仍然受理不知根據何種規定請轉達審判廳却下上告並令該債務者迅予償還債務等因查日領來函所稱趙孫氏於經過上訴期間始稱不服判決仍擬上告是否屬實當經函准高等應復稱本案判決正本係八月十日送達趙孫氏於八月二十三日即具狀聲明上訴並未逾法定期間不過上訴理由書至九月九日始呈遞到廳於法亦無不合自無徑予却下之理等因而日領又以趙孫氏有以該房屋賣予第三者携價逃逸之風說請迅即防止令其從速清償債務等因函請核辦前來查日領所稱趙孫氏擬將房屋出賣携價逃逸等語自應設法防止以免另生糾葛復經函准高等審判廳復稱趙孫氏借使日人勝弘錢債既將坐落小西關羅家澡塘房

屋提供抵押在本案未確定以前自不許任意處分業經令行瀋陽地方審判廳
迅在該澡塘門首揭示佈告禁止抵押買賣以待上告判決依法辦理等因當經
函達日領查照在案嗣准日領函稱原由趙孫氏向高等審判廳及大理院上告
之程度既屬於利息之部分表示不服至其餘部分之判決當然確定是以債
務者利息之部分當遵貴國大理院之公正裁判對於其餘之部分應照地方審
判廳之判決請轉行該廳照原判執行一部等因函經轉准高等審判廳復稱趙
孫氏提起上訴僅對於利息聲明不服其關於原本部分即爲確定已令瀋陽地
方審判廳先將趙孫氏應還勝弘貞次郎原本部分依法執行等語隨即函復日
領查照矣

日商毛織會社運入毛織機器日領要求免稅案

八年九月起至十一月止

案准日領函稱本地毛織會社由東京千住毛織工廠借到陸軍用毛織機器運至大連上岸請知照大連關特予免稅輸入等因准此當以機器進口本應照章完稅惟日本陸軍省用品進口向來是否免稅此次日商毛織會社擬由大連輸入之毛織機器可否認爲日本陸軍省用品各節函經大連關稅務司復稱該毛織機器可否認爲日本陸軍省用品無案可稽未便專主免稅等語而日領則以該機器預定本月五日前後可到大連上岸後即擬運送來奉至海關稅之課免作爲另一問題等因請知照大連關先予放行前來查核約章外商運入機器並無免稅明文至日本陸軍省用之軍需軍械各品向來運入海關時能否免稅查無成案况該機器係屬日本陸軍省附屬毛織工廠之物能否認爲陸軍省用品既經大連關查明並無前例察其事實不過日本陸軍省毛織工廠將此項機器

轉讓與毛織會社似與普通商業用品無異尤未便准予免稅惟日領一再來函請求可否准如所請復經函准大連關稅務司覆稱此項機器第一次進口時須令暫照應完進口稅之數目繳納押金俟奉到總稅務司免稅令文再行發還否則將其押金作爲正稅收入即照此辦法通融放行等因並呈奉

省長令准農商部轉准稅務處文稱此項進口毛織機器雖係日本陸軍省用品然我國官用物品入口亦尙征稅况係商人營業更不能准予免稅至該機器既係爲毛織用品並非禁品其報運到關時自必征稅驗放亦無庸預令放行等因隨即函復日領查照轉知並函達大連關稅務司查照辦理矣

滿鐵會社擬測繪昌圖滿井間線路地圖案

八年九月起至十月止

案准駐奉日總領事函稱滿鐵鐵道會社因有測繪昌圖滿井間線路地圖之必

要擬於現在之鐵道線右側五華里以內之地點自十月十日起約兩個月期間以測量器前往測量希預先通知該處官民以免誤解等因查雞冠山保線系日人前在該車站附近測量路線曾將民人樹株擅行砍伐前據鳳城縣呈報到署業經函請南滿鐵道公所查明阻止并從優給價在案此次又擬派員前往昌圖滿井兩站間鐵道線路實行測量其測量區域頗爲廣大難免不生前項情事况現在秋穀尙未收了用器測量與農民收穫妨碍亦多當即函達南滿鐵道公所查照轉達從緩舉辦嗣准復稱該處農民收穫現已全部了結且測量準備亦經完畢急待着手至實行測量時自當切實注意以免惹起紛爭等因函請迅予承認前來當以此次測量既需急待着手自可照准惟應先聲明者祇能爲路線之測量其路線外民地如受損失自當賠償固不待言即測量之後亦不能將測量

區域自由工作或有收購民地情事函復該公所查照並令行昌圖縣遵照於測量時期及完畢後不准民間將田地私自出售併將測量日期從速報查矣

日人在錦縣設立郵務分室案

八年九月起同月止

案奉

省長訓令准交通部咨開錦州南街路東日商新泰洋行後院不知何時密到日郵員一名私辦郵務定名曰錦州分室曾經錦州郵局在平常信內揀出日本關東府通信管理局寄錦州分室信一件茲據郵務總局檢同原信呈請核辦前來查日人在錦設立分室私辦郵務有違郵約咨經轉飭從速交涉阻止等因當即函達日總領事查照從速阻止尙未准復

雞冠山鐵道保線系日人擅伐樹木私展界址案

八年九月起至十一月止

案據鳳城縣知事呈稱雞冠山鐵道保線系日人因欲私展用地界址竟將民人蔡子言蔡景岑赫成永等所有樹木擅自砍伐迨經派員向該保線系主任荒木
稱會委工人向原山主說允詢據原山主蔡子言等則稱事前並
不知情等語請交涉前來查該保線系人員希圖私展界址擅伐民人樹株實屬
不合當即函達滿鐵公所查照從速禁阻並將樹價從優給償旋准復以此案係
預得附近村民之同意始着手測量所伐之樹木極屬輕微擬請通知該管官憲
會同敝社員實地調查決定爲相當之損害賠償等因當經令行該縣遵照會同
日員先將樹價估定並密諭村民不得私自出售地畝若日人在地面上工作應
先禁阻呈候核辦在案嗣據復稱遵派警察所交際員姜信臣前往山場勘估勘
得蔡子言被伐一二寸粗雜樹五十株眼同山主及甲牌長等估計每株估價小

洋八角共計四十元其餘毀壞樹枝樹秧等所值無幾未便估計要求賠償等情復經轉准滿鐵公所將該項樹木賠償金小洋四十元函送到署隨即令發鳳城縣飭領矣

日人在北大營附近挖掘石子案

八年十月起至十一月止

案准陸軍第二十七師司令部函稱北大營圍塚樹株以外尙有五尺地基近查該營西卡門外迤南南滿鐵路東邊有日本人僱用華工挖掘石子現已挖至營栽樹株界內兩丈有餘之處希交涉禁阻等因查該工人等挖石地點既在營界之內自應禁阻以杜侵佔即經函准南滿鐵道公所復稱該採砂地點全在會社線路用地之內並未掘進該營軍用地內所稱全屬子虛等語當函該師部查復以憑繼續交涉嗣准復稱北大營西卡門外早經我軍栽有行樹行樹以內即爲

我軍用地基該南滿線路標石係屬新設有形跡可查探石地點雖在標石界線
以內實亦侵佔我軍用地址至該公所所稱探砂地點全在南滿線路用地之內
並未掘進營用地內等語係以標石爲根據然西卡門外營地之行樹栽之在前
彼之標石置之在後且係新置詳細考查不難證明等因准此查北大營軍用地
基向以行樹爲界乃該工人等從前既將標石埋於行樹界內此次又在界內挖
取石子均屬非是復函該公所轉飭該工人等勿得再於行樹界內挖掘石子並
將所埋標石從速移出以清界線而南滿公所又稱探石地點確在會社路線用
地之內等語並附圖一紙到署隨即函送該師部查照矣

劉寶玉控日人小林靖樹訛詐豆餅案

八年十月起至十一月止

案據瀋陽縣屬長河沿商民劉寶玉呈稱商民開設寶泉油坊生理歷有年所信

用素著陽歷本年一月間有南滿鐵路新城子站日商小林靖樹向商批買大豆餅一百片每片價洋一元六角限日交餅無論價值漲落雙方均無異議嗣經小林靖樹四次共取九十五片當給商收單四紙下餘五片存商舖多日忽使中國人張有祥前來聲稱欠伊豆餅二十五片每片兩元五角合洋六十二元五角往來三次每次工洋二元令商如數償還如若抗違即行燒毀房屋等語復使華年慶昌帶領日人來商家聲稱商之胞弟劉寶貴拖欠豆債毀壞器具並威逼寶貴驚瘋身死請交涉法辦等情查所呈各節究係如何實情當經批令瀋陽縣傳訊明確核辦覆奪正候呈復間即准日領函稱小林靖樹借給劉喜珍日洋一百三十元訂結契約言明至本年十月付大豆十石至期派店員宮浦甚一及使用華人年慶昌前往要求照交契約物品不料該債務人劉慶珍不惟不履行債務

竟致反加暴行實屬不合請查照辦理等因復經令行瀋陽縣遵照核辦並函復日領查照各在案嗣據瀋陽縣呈稱日人小林靖樹批買劉寶玉豆餅一百片已交九十五片取有收條當令呈出收條查閱條內所開豆餅數目實係已付九十五片實諸該日人無詞可對遂令劉寶玉再交豆餅五片即時完結各無異說嗣因年慶昌帶領日人宮浦甚一來至劉寶玉家聲稱劉寶貴批賣日人小林靖樹豆債十石年慶昌作保等語逼令即時交付經該民等向之理論而該日人兇橫異常將該民等家中什物全行摔毀質之劉寶貴則稱並無批賣豆債情事因民前在新城子站內賭耍輸洋一百三十元當時無錢開付經年慶昌作保等語查劉寶貴身染重症又被日人逼迫威嚇精神顛倒竟如瘋癡現已病故等情復請核辦前來查該日人小林靖樹以批買豆債爲詞主使年慶昌帶領宮浦甚一向

劉寶貴逼索賭債竟將其家中什物概行榨毀而劉寶貴因此病勢益加重醫治無效此種行爲未免橫暴當經函復日領查照對於小林靖樹及宮浦甚一等之無理舉動依法懲辦並飭警將年慶昌引渡以便交縣訊辦又奉

省長批據劉寶玉呈控年慶昌勾串日人小林靖樹詐財並逼斃伊弟劉寶桂等情令速嚴催瀋陽縣迅將本案詳情查明呈復等因當即令行瀋陽縣飭警嚴拏年慶昌等務獲歸案訊辦矣尙未據復

日人井上嘉吉請求兌換北鎮縣零集銀行鈔票案八年十月起至十一月止

准日總領事函稱關於兌換北鎮縣零集銀行發行鈔票一案現據敝國人井上嘉吉呈稱上年十月該行關閉之時收得賣洋油麥粉等價格計鈔票九千三百三十元零八角雖經兌換四千五百元其餘四千八百三十元零八角蒙縣知

事警務長傳諭靜候解決迄今仍未兌換等語請飭該管官吏從速辦理等因當經令據北鎮縣復以該銀行未收荒票爲數甚鉅所有日滿井上嘉吉之荒票應俟外欠收有成數即予儘先兌換等情呈經指令嚴催欠戶交款兌換以免貽人口實並函復日領查照矣

朝鮮人申弼均不付成祥店米價案

八年十月起至十二月止

案准日總領事函稱朝鮮人申弼均由當地小北關糧棧成祥店王堯階處買粟米二百八十四石九斗合小洋七千四百七十四元先交定洋五百元訂有契約言明在小西邊門外停車場交貨迨至收貨之際檢驗現貨與樣不符即向賣主要求照原樣交貨乃賣主一再支吾雖經買主請由貴國巡警局誥誠照樣交貨而賣主仍頑不應承惟買主申弼均業將所買之粟米轉賣於日人山本一男收

日金二千元因南滿洲鐵道會社至八月三十一日爲止有運貨減半之特權關係故急於收買該項粟米而成祥店故意交給樣貨差異之品以致收貨遲延對於滿鐵會社及山本一男負不履行契約之責致遭三千餘元之損害請嚴重譴詰成祥店迅予賠償申弼均所受之損失等因查此案究係如何實情當經函准奉天總商會復稱申弼均由成祥店訂購小米二百八十四石九斗共合洋七千四百零七元四角立有契約到期交糧至驗收三百二十餘包後發見囤底之米被雨浸濕當時成祥店已允爲更換而該朝鮮人因米價較前跌落竟堅不承認并將已經驗收之米亦不肯收實屬容心毀約等因前來查朝鮮人申弼均原呈所稱各節既經商會查明與事實不符該朝鮮人自應履行原約俾免華商賠累當即函復日領轉令照約辦理在案而日領復稱此案已經申弼均向貴國審判

廳提起訴訟等語隨即函復商會轉飭成祥店知照矣

日人影本雅雄租賃瀛洲房屋案八年十月起至十一月止

日人影本雅雄呈稱租得李純之正房帶門道共十八間坐落本城大西關警察四署二分署門牌五百四十號於民國六年陰歷八月撥出正瓦房五間租與馬善普陳祥二人夥開二昌洋行生理言明每年租價二百七十元自租之後有日人影本雅雄時或在該洋行寄居民曾詢問馬陳二人僉以朋友借宿爲對至十二月馬善普等將房轉租影本雅雄欲照原租價繼續租住又覓得三林公司圖書保結並由馬善普陳祥二人作中富與寫立租約爲證租價仍舊迨自租後開設山星公司自去年陰歷正月初一日起租住至今年舊曆五月交租之期該日人竟抗租不交經民找向承保三林公司索要業經代爲墊交並聲明撤保端

節後民隨告知影本雅雄言三林公司已經撤保着令住至八月交房奈伊置之不理現逾八月季交租之期該日人既不交租又不騰房居然霸如己產呈請轉達日領速令影本雅雄交租騰房等情並附抄租契到署查該日人租用薛瀛洲房間按照租契應於舊曆八月十一日交租迭經該民催索迄未交付自應勒令退房以杜糾葛當經函准日領復稱影本雅雄擬將所欠租金如數交清請再續租至陰歷十二月底止對於房東業已得其允諾等語查所欠租金共有若干未據聲明當已令薛瀛洲查明數目逕與該日人直接商辦矣

日人在安東六道溝設立兵工廠案

八年十月起至十一月止

案准東三省巡閱使著參謀處函據憲兵營營長報稱本月二十二日安東埠有日輪一艘進口內載硝磺一千餘袋據稱係供給安東兵工廠之用旋赴六道溝

地方詳細調查始悉該廠廠址約有六七里現正從事建築機器鍋爐尙屬不全等情查此次日人在六道溝設立兵工廠是否經貴署允准訂有條約請詳查見復等因當經函准安東交涉員以查此事先曾派員前往探查據報有日人明石東次郎等在本埠六道溝地方設一工廠名曰滿洲鑛山藥株式會社係屬私人設立公司性质實現擬製造黑色鑛山藥導火線硝酸安門尼亞爆藥（此係安全爆藥以上各項專供鑛業之用）又無煙火藥黑色火藥爲狩獵用品並不製造軍械及軍用彈藥等語嗣後派員往查日前該會社確曾運來硝磺一百餘噸及機器多件尙非兵工廠性質然若添置機器亦可製造軍用火藥惟六道溝與七道溝同爲日本佔住之地彼方一切措施我向無權干涉本署並無與彼訂約允准之事等因函復前來查中國與各國所訂約章內載明硫磺硝石均作爲禁品

向不准私自輸入按照部頒外人報運禁品辦法各國官商如報運進口須聲明數目用途請各該國公使或領事予以證明照會外交部或各關監督報明陸軍部核准發照始可放行此次該日商由安東輸入硝磺一百餘噸爲數甚鉅曾否經部核准本署無案可稽至該工廠雖係私人設立公司性质實專以製造鑛山爆藥爲業務其規模又頗宏大將來難免不製造軍用火藥自應密令駐紮該處軍營隨時偵查確情呈報查核一面咨行陸軍部對於該公司報運禁品嚴重審查倘有鉅額劇烈物品應即不准輸入以杜流弊各節函復巡閱使署參謀處查照辦理矣

佟泰昌等呈南滿會社佔用地畝案

八年十月起至十二月止

案據瀋陽縣東一鄉養豬圈子村正佟泰昌等呈稱本年陰歷七月間有南滿鐵

路日人住吉安平來村言說擬在鐵路北面本村界內購地建房當經該日人選擇胡常有領名冊地一段計地五畝有餘按年交納課稅十二畝並將王德清地內禾稼割除事關外人佔用有課冊地請轉商給價等情前來查此項地畝是否確係滿鐵會社購用抑係該日人個人租用當即函准南滿鐵道公所復稱關於收買瀋陽縣屬養豬圈子村胡王二姓之所有地係屬於當初預定收買簡易停車場之地域以外並無如來示所云之事實尙請再行調查等因嗣又准該公所電話索取該地草圖以憑澈查等語當經傳諭佟泰昌繪圖呈候核辦在案旋據該民呈稱滿鐵會社所佔胡常有領名冊地約有八畝上下割毀王德清地內禾稼亦係實情會社佔地之後即在該處修築鐵道道岔現已行車檢同草圖連同胡常有土地所有權證據請查驗前來查該民原呈地契尙屬確實乃滿鐵會社

日人住吉安平擅佔該民領名地畝並割毀王德清地內禾稼均屬非是復經函達南滿鐵道公所查照迅予賠償尙未准復

會文堂書局呈日本郵局郵失金票案

八年十一月起同月止

案據會文堂書局呈稱本年五月十六日在省城大北門裡日本郵便局以價格表記郵遞日金票五百五十元封面書明郵至廣東省城警察廳預決算處詹啓庚收執取有受領書爲憑相隔月餘廣東來信催問謂是款並未收到當向原郵局詢問始而置之不理繼將原受領書收回允爲行查給有假受領書爲證迨至九月杪由該局來單認賠原金票五百五十元由鐵道用地內日郵總局如數取回所有匯費及各項損失尙未包賠所虧甚鉅寔難容忍查五月間金票每元價值奉洋一元零一分六厘現在每元僅值奉洋捌角二分以五百五十元核計共

虧奉洋一百零七元八角五月至十月之間按月二分行息以五個月計算共須洋五十五元且該款既未郵到則當時所收之匯費日金五元六角三分當然退還以昭信用乃該局竟不認賠償殊非情理請交涉等情並附呈假受領證到署查該郵局寄匯款項竟至數月尙未匯到未免有損信用今雖將原款返還但該商所請賠償損失並退還匯費各節理由頗爲正當當經函達日領轉令賠償在案嗣准日領抄錄郵局復文並檢同郵便料金還付請求書及假受領證前來查郵局復文內稱對於原寄人請求發還郵費一節已知照大北門裏出張所長在案其郵便料金還付請求書應交由原寄人持向大北門裏出張所請求發還郵費爲是至原寄金票現因貨幣價值跌落負有損害頗爲抱歉除照法規賠償表記原額外別無他法等語當將譯文抄給該商閱看並將請求書等件發交持赴

該郵便出張所領取匯費矣

金玉豐等借欠日人村田保之債款案

八年十一月起同月止

案准日總領事函據敝國人村田保之呈稱於民國六年舊歷四月十五日對於瀋陽縣朱爾屯人金玉豐及前占屯人張文閣以彼等所有家屋並地土擔保借給小洋壹千六百元至同年十一月一日爲償還期限雖經再三催促終未償還請飭該管官憲使其迅予償還債務或照交擔保物件等因當即令行瀋陽縣查傳債務人張文閣金玉豐等到案訊明勒令清償了結尙未據復

日人三田村文屋霸佔屈振之市房案

八年十一月起同月止

案據瀋陽縣民人屈振之呈稱於清光緒年間經先人接典童廣慶市房一所計房四十四間坐落小西關大什字街北長發園胡同民國二年四月間經日商三

五洋行櫃夥高茂廷介紹租與日商三田村文屋開設三五洋行專理玻璃燈罩營業立有租契圖保爲證迨至本年七月間經童廣慶之子童祥閣用價將該市房抽回另賣王輔臣名下爲業囑民令該日商退房不意屢次催促伊竟託故搪塞遲延三月有餘尙未遷移且房主用房甚急尤屬爲難請交涉飭令退出等情並抄呈租契到署查原立租契內載明房東要房時該洋行立即搬家等語此項市房既經房主賣出該日商自應按照租契趕速遷移乃迭經該民催促稽延數月猶復託故搪塞不肯遷居殊屬非是當經函達日領轉飭該日商迅速遷移尙未准復

籌擬租界內華人實行貼用印花辦法案
八年十一月起至十二月止

案奉

省長令准財政部咨開查租界內華人實行貼用印花一事迭經本部擬具辦法咨由外交部照會各國駐京公使從速商定現准外交部來咨照錄領銜英使照會附開意見本部完全予以承認復將原擬辦法另行逐條訂定茲定於民國九年一月一日所有各處租界均按照本部此次訂定辦法一律施行至自開商埠及通商口岸未經劃定租界者關於警察及司法本歸我國管理仍照印花稅普通法令辦理咨請飭屬一體遵照等因令即遵辦具報到署並准奉天印花稅分處咨奉

財政部令同前因並稱奉省滿鐵一帶附屬地內華商甚多而附屬地尤輕於租界之權限應照章貼用印花查附件關於開辦手續大旨已具惟如何委託代辦之處請與日領接洽等語查奉省各商埠均係自行開放並無租界名稱惟南滿

鐵路沿線各車站用地內日人均闢爲市場其間華商設肆甚多曾於民國六年間函商印花稅分處按照

部令轉行各商會設法開導鐵路用地內之華商或聯絡其大商戶獎勵兼施以期逐漸推行在案茲該分處欲以租界辦法推行於鐵路用地之內核與本署歷年對於鐵路用地之主張頗多妨礙蓋鐵道用地按照東清鐵路合同規定除修造鐵路建築各項房屋工程應歸該公司經理外其於地面上治理之權及命盜各案均歸我地方官辦理而日人則以該合同第六條有凡該公司之地段一概不納地稅由該公司一手經理字樣即謂按原合同法文意義解釋實取得鐵路用地內之行政權故沿線設立日警治理界內人民均係根此條辦理歷經與日總領事辯論各執一說遂致久懸未決今如以商定租界內貼用印花之辦法與

日領接洽即已含有承認其有行政權之意味而日領之同意與否尙不可知事關對外宜於事前詳爲籌畫可否另擬妥善辦法以免牽碍主權即經呈請

外交部
省長核示在案旋奉

財政部令開租界內華人貼用印花辦法在九年一月一日施行以前應先期出示通告俾租界內商民人等一體周知令即會同印花稅分處妥擬通告一俟外交團復到即行電知分投張貼等因同時又淮安東交涉員來函以安東係自開商埠此項辦法當然不能適用但本埠之七道溝等處爲日人佔居已久較之他處租界尤無主權此件應否照商日領辦理等語查日人所佔之七道溝地方諒有歷年交涉索回之案據在根本問題未經解決之先如因此案照商日領不啻已有承認之表示當即答復在案而營口交涉員又謂部定辦法係專指租界內

華人而言與營口情形似有不同茲將應行商酌各條分列於後（一）營口即牛莊約開商埠華洋雜處並未劃定租界惟埠東毗連南滿鐵道用地迄於南滿車站爲日人居留地由日警察署管理部定租界內華人實行貼用印花辦法南滿鐵道用地內是否一律照辦（二）財政部第一次訓令先行籌備係屬明令第二次令與印花稅分處會擬通告又係密令究竟如何籌備此時應否照會日領及各國領事抑俟奉到部電實行時再行照會（三）部令會同印花稅分處先將通告妥擬備齊俟外交團復到即行電知分投張貼惟此項通告是否請由奉天印花稅分處擬辦（四）部頒辦法第二條內載檢查租界內華人貼用印花委託該管外國警察官執行其檢查時發見不貼印花之契約簿據及證憑得依照稅法條例處以相當之罰金隨時交由該管領事代收前項罰金每三個月結成總數

由領事館代用中國政府名義以一半捐助工部局經費其餘一半交由交涉員公署解歸國庫云云如果南滿鐵道用地內華人貼用印花亦一律照租界辦法實行則此項罰金之半數是否歸日警署所得並能否用捐助經費名義各節均應商酌妥善庶免歧異等語函詢前來當以鐵道用地以內可否援用租界辦法已經呈請

省長轉咨外交財政兩部核示未奉復文各節函復營口交涉員查照矣

東來商會不付魏鳳岐糧價案

八年十二月起同月止

案准總商會函據廣增永執事人魏鳳岐呈稱本年八月六日出賣韓商東來商會紅糧三百零兩石五斗每斗合價奉小洋一元零五分言明糧到交錢不料將糧發齊而該號執事即被日警署羈押遂向該號趙性洪追討糧價伊則百般求

緩一個月定必如數交清商號遂暫予許可至期該號執事仍一味推委不付復再四懇求緩期當經立有字據言明務於九月二十五日必能交價決不失信等語不料該執事陡起不良之心即將此項紅糧出賣三千元金票僅交商號一千元屢次追討終未交還是該執事容心傾騙已可概見請轉行追究等情查該韓商買糧之初既言明糧到交錢自不得稍事拖欠乃該韓商對於應付糧價僅交金票一千元下餘之項堅抗不交殊屬有失信用請轉達日領飭該韓商迅將所欠糧價如數償清俾免損失等因當即轉准日領覆稱該商店執事禹應慶因案被朝鮮總督府羈押甫於本月九日回奉故而遲延未曾清償限至本月二十日必當如數歸還等語隨即函覆總商會查照轉知廣增永執事魏鳳岐知照矣

鄭鳳亭控日商毛織會社不付工價案

八年十二月起同月止

據工人鄭鳳亭呈稱本年六月間包做滿蒙毛織會社第一第二工場及汽確室瓦磚各工當與該會社日人訂立契約載明每做萬磚上房工價金三十元先給十分之七餘於工成後十日內如數算清迨至十一月三日將工作完並無差錯共計做成磚數一百零一萬七千八百五十個按每萬磚合洋三十元共計金三千零五十三元五十五錢外有裹工活大工四十二個每工每日金一元五十錢計金六十三元小工五十二個每工每日金六十錢計金三十一元二十錢三共合金三千一百四十七元七十五錢除支二千四百八十四元八十錢外尙欠金六百六十二元九十五錢工程完竣之後至今月餘欠賬仍不給算迭向日人山田豐吉催索該日人竟無理詈罵搪塞不償現在各工人追討工資逼迫甚急懇請照會日領追欸等情當經函達日領轉令該會社迅將下欠工資早日發給俾

免賠累尙未准復

王珍盜押地畝案 八年十二月起同月止

案據瀋陽縣呈稱民人王珍以王維周名義指縣屬大石橋村會及各民戶土地八百餘畝押借朝鮮人承明吳洋八千七百五十元立有合同因尙未交地僅使用洋三百二十元經知事傳獲到案訊供前情查王珍原押地畝既係出於詐欺手段應先從抽贖字據入手惟字據內容如何無從查考請函達日領轉飭承明吳將關於此案一切字據抄送各縣以憑擬辦等情據此查近來我國人民往往竊取他人地契或以作廢契紙向日本僑商民押借債款業經酌定取締辦法通知日領傳諭僑奉一般日商遇有華人以房地各契要求抵押款項時須將該項契紙持交我國地方官署或地方團體查驗屬實再行收受以杜將來發生糾

葛在案此次民人王珍擅將村會及民戶地畝押與朝鮮人承明昊本係詐欺行爲乃該朝鮮人並不將前項押據持交我國地方官署或地方團體查驗竟與該民訂立合同並先付洋三百二十元核其情節實有不合當即函達日領對於該朝鮮人嚴加申斥並令將本案一切押據及借券等抄送過署以憑令縣訊辦現未准復

JUL 23 1935